

obeyikan.com

oboiikan.com

obeyikan.com

أحداث هذه الرواية تمت للواقع بكل صله..

وأي تشابه في الأحداث ..

هو من واقع الحياة المرير.

إهداء

إلى كل من قرر أن يكون سعيد ..
ولم يضع مفتاح سعادته في جيب أحد غيره.

مقدمة

ربنا أول ما خلق آدم وبعدها خليفته في الأرض والشهوة
ملزمهم طول حياتهم سواء كانت شهوة:

الأكل .. الجنس .. الأنا

الإنسان مبيقدرش يقاوم شهواته ببساطة مبيعرفش يتحمل
أقل شهوة وهي شهوة الجوع ويمكن يعمل أي حاجة
علشان يأكل المهم يسد جوعه ... أما الجنس رغم إنها
تاني شهوة في الترتيب لكنها بتحتل المركز الأول عند
المجتمع العربي وخصوصاً مع الراحل الشرقي شهوته دائماً
مودياه في داهية ... لا وكم ان شهوة الجنس مبقتش
علشان المتعة دا ممكن تبقى للتجاره وغسيل الأموال كمان
أما شهوة الأنا ... فالإنسان بطبيعته ضعيف ويحب
نفسه ... حتي الناس اللي ممكن تقولك أنا آخر حاجة

بفكر فيها نفسي ... أنا ممكن أجي على نفسي علشان
غيري لو لفيتو الدنيا مش هتلاقوا إنسان طيب ذي
....أنا... أنا ... أنا

عموما التلت شهوات دول جزء لا يتجزء من حياتنا
اليومية ولكن بنسب
الناس العادية بتعمل كل حاجة بالعقل والأصول بس تخيلو
الشهوات الثلاثة مع حد مش عادي ??? إيه اللي ممكن
يحصل !!! إنتم عارفين إن شهوة الجنس لو زادت عن
حدها وعن الطبيعي وتعدت الحدود اللي ربنا رسمها ممكن
توصل بينا لقتل أقرب المقربين لينا لما شهوة الجنس بتزيد ,
قدرة تركيزنا بتقل ... العقل بيقف عن التفكير لحظه
ظهور الشهوة وبمجرد ما نشوة الشهوة بتروح ...
بنبتدي نفوق على كارته وممكن نعالج الكارته بكارته
أكبر وهنا بتظهر الأنا ... هي دايرة متصلة لو جوعنا

مباح إننا نعمل أي حاجة علشان ناكل حتي لو بعنا
شرفنا وبتزيد قوه دفاعنا عن نفسنا والأنانية.
الشهوات الثلاثه المتمركز والمتحكم فيهم هي شهوة
الجنس.

نعالوا نعرف على الأبطال

شريف سعد الدين: برج الحمل يقول إنه ظابط رقيق
القلب ذات ضمير مستيقظ

ملك: دكتورة التشريح برج الأسد يقول عليها من
أشطر الدكاترة الموجوده تتميز بالسلام النفسي "ظاهريا"
فاشله في حياتها الاسرية فشل زريع.

الزمان : 6/7/2014

المكان : مصر الجديده - عماره سعد الدين الدور ال15

يقف شريف سعد الدين بنافذة غرفته متأملاً ... غارق في التفكير

دخلت عليه زوجته سحر

- شريف ... شريف شرررييييييف

- شريف مفزوعاً ... إيه يا سحر

- إيه يا شريف إنت نمت وإنت واقف في البلكونة!

- شريف بإبتسامة مستفزة ... نمت وإنت واقف؟! وأخذ

نفس عميق ... لا ياسحر كنت بتأمل البيوت اللي حوالينا

- سحر بضحكه عاليه يعني إيه بتتأملها!

- تعالي كدا ... بصي البيوت دي ...

- مالها

- كل بيت وراه قصه وحكاية... وممكن في بيت من دول
يكون وراه جريمه إتعرفت أو في طريقها إنها تتعرف أو وراه
جريمة كامله

- ههههه مافيش حاجه إسمها جريمة كاملة يا شريف
- الله يخربيت الأفلام العربي اللي أقنعتكم بده ... لا
ياستي الجريمة الكاملة موجودة

- إزاي يا شريف لو في جريمة يبقى في قاتل وأكد القاتل
ده عنده دافع ودافع قوى كمان ... باينة زي عين الشمس
يعني

- بضحه فيها سخرية من شريف... فطينه من يومك يا
سحر ...

- طبعا أمال أيه اللي وقعك على جدور رقبتك

شريف بضحة عالية جداً: فعلاً أنا وقعت على جدور
رقبتي ... دا أنا بحمد ربنا إنك ست بيت ومش بتشتغلي.
سحر بنرفزه : يعني قصدك إيه يا شريف؟!

- بصي يا حبيبتي يا روح قلب شريف من جوه... الدافع
مش شرط يكون سبب لحدوث جريمة ... يعني ممكن تلاقي

واحد عنده دافع قوى جداً للقتل ومش هو القاتل والعكس ...
ممکن تلاقى واحد عنده الدافع بسيط وتلاقيه هو القاتل أو
على الأقل أتورط في القتل ... أدبس يعني بالبلدي ... بس
مش دا اللي بكلمك فيه ... أنا بكلمك عن الجريمة الكاملة.
- بس أنا لسة مصرّة على رأيي إن مافيش حاجة إسمها
جريمة كاملة

شريف بينه وبين نفسه "هو أنا أصلاً بتناقش معاها ليه
وأتعب مرارتي ليه"

- بتقول حاجة يا شريف
- بقول يا حبي ما تحضري لينا العشا بإيدك الحلوه دي
- حاضر يا شريف.

في اليوم التالي

المكان ... مصلحة الطب الشرعي ... التاسعة صباحا

رن هاتف دكتورة ملك عبد النور دكتورة التشريح

- ألو

- ملوكة

- مين ؟

- مين؟! مين إزاي أنا ماريان أختك.

- ههههه حبيبتي معلى مش عارفة ليه مظهرش إسمك

- ماشي يا ستهم عايزة أشوفك النهاردة ضروري

- طيب تعالى إتغدي معانا هاني ورامي هيفرحوا أوي

- لأ خلي الأجواء العائلية دي لبعدين و خلصي شغلك

وتعالى نتقابل قبل ما تروحي البيت في الكافيه اللي جنب

بيتك

- طيب يا ستي.

ملك خلصت شغلها وراحت قابلت ماريان في كافيه جنب

البيت

- يعني يا ماريان مكنتيش عارفه تطلعي البيت
- إزيك الأول يا ملك ...أتاخرتي عليا ليه ؟
- كانت في جريمة قتل لست وكان لازم أشرحها وأعرف سبب الوفاة إيه!
- ماريان بكل إشمئزاز ... خلاص ... المهم غسلتي إيدك؟!
- من إيه؟!
- من البلاوي اللي كنتي بتعملوها
- هههه بلاوي؟! على فكره التشريح دا فن طيب إنتي عارفه إن الجثث بتحفظ الأسرار وإزاي صاحبها مات... ولو دكتور التشريح شاطر بيقدر يفهم الجثة عايزة تقول إيه وهتوجهه لفين ... كنت بسمع الحكايات دي قبل ما أشتغل وأسمع أن الجثث ليها حرمتها ولازم نحترم الحرمة دي ... وأول مره أدخل مشرحة كنت مرعوبة ... وشوفت العجب من الجثث ... بيكلموني ... ويوجهوني أعمل إيه علشان أكتشف سبب الموت ... وبقيت كاتمة أسرارهم وبحترم حرمتهم ...الجثث ليها لغة وبتعبر غالباً عن لغتها

بالإشارات... لكن مش أي حد ممكن يفهمها ... علشان كذا
بقولك دا فن

- من فضلك ياملك كفاية بجد هجيب اللي في معدتي أنا
مش عارفه إزاي إحنا الإنتين إخوات
- هههههه المهم كنتي عايزاني في إيه؟!
- في عريس متقدملي

علامات الارتباك على ملامح ملك ... وتحاول لملمة
نفسها: مين دا يا ماريان

- واحد زميلي إسمه تامر , طيب ... أمكانياته المادية
كوبسة أوي ... باباه دكتور جراح وماماته دكتورة في
الجامعة

- بتحبينه

ماريان بكل خجل : عادي يعني ... أنا كبرت ياملك وعايزه
ألحق أفرح بشبابي وأخلفلي حتة عيل أفرح بيه زي بقيت
البنات

ملك تنظر لعين ماريان ... وتعاود الحديث: إنتي عارفه إن
معندناش طلاق ... وإنك لو إتجوزتي وطلع مش كويس أو
مفيش حب هتلبسي فيه طول عمرك

- إيه يا ملك كمية التشاؤم دي ما إنتي أهو متجوزه من
سنين إنتي وهاني وعندكم أحلي رامي في الدنيا وحياتكم
مثالية

- ملك بنبره فيها حزن إيه اللي عرفك !؟

- عرفني إيه؟!

- متخديش في بالك ... المهم إتأني كويس وإعرفيه كويس
جداً وياريت تبقي تعزميه علشان نعاين الجثة

- الجثة !!! يا شيخة الملافظ سعد وحاضر ياستي هتأني

- طيب يا ماريان أنا لازم أروح دلوقتي لأنني بجد مرهقه
جداً

- ماشي يلا تعالى أوصلك

- مش مستهله وسلميلي على ماما

- يوصل يا دوك

ملك وصلت البيت مرهقة جداً ... وجرى عليها إنها رامي

- مامي... مامي... مامي

- حبيبي ... عامل إيه وبابي فين؟!

- بابي نايم

- طيب يا حبيبي

- دخلت ملك الغرفة ... وجدت زوجها نائم ... نظرت اليه
نظرة طويلة ... وذهبت الي المرأة كي تخلع إكسسوارتها ...
سمعت صوت هابده مفزعة ... هرولت ملك على النافذه
كي تعرف ماذا يحدث!
- فرأت فتاة ملقاه على الأرض ... والناس ملتفة حولها ...
وصراخ يعلو في أرجاء الشارع.
في ذلك الوقت إستقيظ هاني زوج ملك مفزوعاً...
- في إيه يا ملك؟!
- مش عارفه يا هاني بنت مرميه على الأرض
- طيب هأتصل بالبواب أعرف في إيه؟!
- ألو... عم محمد ... هو إيه اللي بيحصل تحت... أه...
أه .. تمام ... ماشي يا عم محمد متشكرين ياريس
- في إيه يا هاني
- بيقولك البنت عندها 18 سنه في العمارة اللي قدامنا
رمت نفسها من السطح
- يعني إيه رمت نفسها؟!
- يعني إنتحرت

- يعني علشان بنت صغيره في السن وقاعده مع أهلها ...
تبقى أكيد إنتحرت؟ أي منطق وأي عقل ده مش يمكن وقعت
ولا اترمت من السطح

- يوووو ياملك متوجعلش دماغي ... وسيبي شغلك بره
البيت لو سمحتي ونظرية الجريمة اللي إنتي متبنيها فكك
منها

- زي ما إنت كدا بتسيب شغلك بره البيت وبتتفرغ لينا
عادي جدا زي بقيت الناس

- شغلي دا ياهانم اللي معيشكوا في المستوى ده وفي شقة
زي دي ومركبك عربية زي اللي إنتي ركباها ومجوهرات زي
اللي إنتي بتلبسيها والهدوم الماركات اللي مالیه دولابك
وجزمك اللي كل جزمه منهم تفتح بيت شهر كامل من وسع
- أوك ياهاني ... نسييت إننا إتفقنا إننا منتفقس

- لا حبيت بس ياهانم أفكرك
عاودت ملك للمرآه ونظرة حزينة إلى نفسها ... نظرة تحمل
معاني كثيرة

في اليوم التالي ملك تستيقظ من نومها وتجهز ابنها
للإستعداد إلي الذهاب للمدرسة وبعدها ذهبت لغرفة هاني
لاستيقاظه

- هاني يلا هتتأخر على شغاك

- حاضر ياملك

- وإفتكر أنا هنعصر فرح ساره جارتنا النهارده في الكنيسة
الأول وبعدها هنطلع علي فندق فيرمينت هليوبوليس علشان
الفرح

- حاضر يا ملك مع أني مليش في الكلام دا وبتخنق

- بجد هتيجي معايا ولا زي كل مره هتخليني أروح لوحدي

- يوووه ياملك قولت حاضر هحاول أجي بلاش بقى

صداع على الصبح

ملك بنظرة حزن: مدام مروة جارتنا هتيجي معانا في العريه

هاني في ارتباك: ليه؟!

- هي طلبت دا وأنا اتكسفت

- مش عندها جوزها؟!

- بتقول مشغول

- شوفتي الستات اللي بتقدر شغل أجوزها!

- ملك بعصبيه طيب هننزل سوا ولا أسبقك؟!
- ليه تنزلي لوحذك ... إستني هننزل سوا
- نزلت ملك مع هاني , وهي في أقصى حالات الإحباط بسبب زوجها
- صباح الخير يا عم محمد
- صباح الخير يا باشا
- سارعت ملك بسؤال عم محمد عن حادثة أمس
- ولا حاجه يا ضاكتوره بعد ساعه من وفاة البنت إدفنت
- إيه أدفنت إزاي يعني؟!
- وائنتى فاكرة يا ضاكتوره إن الطب الشرقي هيعمل حاجة كله بالبرادس
- طب شرقي!
- يلاحقها هاني مبتسما يلا يا ملك هنتأخر
- شوفت يا هاني إن الموضوع وراه جريمة
- ملك أفصلي إحنا على الصبح
- بنظرة كلها عصبية لزوجها وأدارت وجهها نحو نافذة السيارة، وصلت ملك إلي مصلحة الطب الشرعي
- دكتورة ملك

- أيوة ياعم إسماعيل
- دكتور عبد المجيد عايز حضرتك
- طيب أنا رايحاله
- هبت ملك متجهه إلى مكتب دكتور عبد المجيد ... طرقت الباب ثم دخلت
- أهلاً أهلاً أهلاً يا دكتورة ملك ... عندي ليكي أخبار هائلة
- خير يا دكتور
- لكفائنك مطلوب نقلك مباحث الجنايات وحده 79
- ملك بمشاعرين مختلفين من الفرح والحزن: وهبداً إمتي يا فندم
- من الإسبوع الجاي يا دكتورة
- حاضر يا فندم ... بعد إذن حضرتك
- وصلت ملك البيت بعد يوم متعب إلتقت ببواب العماره
- إيه ياعم محمد مافيش أخبار عن البنت اللي وقعت من السطح
- لا ياضاكتورة إتقيدت إن البنت وقعت من البلكونه وهي واقفة داخت فوقعت

- وقعت!!!!!!
- أه ياضاكتورة
- مش إنت قولتلى إنها وقعت من السطح؟!
- أيوة وهو ده اللي حصل
- أمال إيه حكاية وقعت من البلكونة دي!
- أمها اللي قالت كدا في المحضر
- ماشي ياعم محمد
- هي مال الضاكتورة مهتمة بالموضوع أوي كدا

- طلعت ملك وحضرت الغدا وجلست على مائدة الطعام هي وزوجها هاني وإبنها رامي لتناول الغذاء
- إنت عارف ياهاني إن البنت اللي وقعت في العماره اللي قدامنا إتقيد المحضر إنها وقعت من البلكونه لإنها داخت!
 - والله طيب كويس
 - كويس؟ كويس إزاي!
 - طيب خلاص مش كويس
 - سكوت تام ثم يعاود هاني الكلام : في إيه ياملك
 - ولا حاجة

- بنت وقعت من البلكونة لإيتها داخت وارد إنه يكون
صح؟!

- لا مش وارد لإن البلكونه فيها منش و المنشر زي ماهو
أصلاً ياهاني

هاني يسكت في إحراج ثم يعاود الكلام وإيه اللي عرفك
- روح بص على البلكونة عاملة إزاي وإنت تعرف وكمات
لو بصيت على السطح هتلاقي سلك دش مقطوع يعني
وقعت من على السطح زي ما البواب قال وفي حاجة كمان
وضع البنت وهي مرميه في الأرض بيدل إنها وقعت
بضهرها يعني محدوفه ياهاني

- هاني بارتباك لشعوره بالغباء أمام زوجته بصي ياملك
حال البلد زفت والناس مش هتسيب مشاكل الثرة اللي مش
عارفين نهايتها إيه وتمسك في اللي وقعت ولا ادحدفت ولا
إنتحرت

بنظره كلها حزن من ملك: عندك حق ياهاني
أخذت ملك حمامها وحاولت أن تسترخي لأنها متعبة جداً
جاء هاني يداعبها
- وحشتيني

- مش النهاردة ياهاني من فضلك
- هاني يقترب منها أكثر ويقترب من وجهها ويحاول أن يقبلها
- ولكن تبعده ملك عنه: هاني أنا تعبانة
- هاني بصوت كله دلغ منا كمان تعبان أوي
- هاني من فضلك عايزه أنام علشان نلحق نروح الفرح
- هاني بكل عصبية يعطي لها ظهره

ملك تفكر

- لماذا زوجها لا يشعر بها؟!
- لماذا لا يدري ما الذي يفرحها وما الذي يحزنها؟!
- لماذا يستهتر بمشاعرها؟!
- لماذا كم الأنانية التي بداخله؟!
- لماذا عندما يريد أن يعاشرها لا ينظر هل هي أيضاً تريد أم لا ؟ ! هل معاشرته الجنسيه لها تشبعها ؟ !
- ألم يسأل نفسه ولو مرة لماذا أرفض في أوقات كثيره معاشرته؟!
- لماذا لا يتحدث معها؟!
- هل العيب فيني أم العيب به؟!

فعلا الجواز اللي من غير حب عامل زي العبادة اللي من
غير إيمان ملهش أي لازمة.

في تمام الساعة ال 8 مساء دق جرس الباب استقيظت ملك
وهي تحاول رؤية ساعه الموبايل فتجدها الثامنة مساء
- يا نهار أبيض قوم يا هاني الساعة 8 علشان نلحق الفرحة
وقوم إفتح الباب بيخبط
- يووه يا ملك
- يعني أروح أفتح الباب أنا
- يعني اللي علي الباب هياكلك
- لا راجل ... حاضر أنا رايحه أفتح
- إستتي عندك خلاص هتتيل أقوم ... أنا مش عارف ليه
رافضه تجيبي شغالة
- علشان مش هأمن علي ابني معها
هاني وهو في إتجاه الباب: أه ياختي اصلها هتأكله
يفتح هاني الباب ليجد جارتهم مروة

- يخربيتك أيه الحلاوه دي؟!
- مروة بكل مياصه ... عجبتيك!
- اتلمي ملك هنا
- هو أنا عملت حاجه
- الصراحه أنا اللي عايز أعمل!
- ضحكه عاليه من مروة
- اتهدي يا وليه
- هشوفك النهارده ... جوزي هيتاخر
- إزاي بس
- نروح الفرح ونزوغ
- بموت في قلبك الميت دا
- ملك : مين يا هاني
- دي مدام مروة يا حبيبتي
- مروة بكل غيظ : حبيبتيك؟
- هاني يغمز لها معلش: يا حبي تعالي أدخلي
- ملك تأتي مسرعة
- أهلا أهلا يا مروة ... هلبس بسرعه وأجيك معلش
- راحت عليا نومه

- لا يا حبيبتي ولا يهملك خالص علي راحتك
- طيب يا جميلة ... ايه ياهاني مش هتغير
- هاني بارتباك: حاضر يا حبيبتي ... بعد أذنك يا مدام
- مروة بكل غيظ: إتفضل
- وبالفعل ملك وهاني أصبحوا مستعدين للنزول
- مروة : معلىش يا ملك أنت والمتر هاني هتطفل وهجي
- معاكوا
- ملك : عيب عليكي الكلام دا يامروة ... قول حاجه ياهاني
- هو في بعد قوالتك يا ملك
- ركبوا السياره وبالفعل بعد أن أكملوا مراسم الزواج في الكنسيه
- ذهبت مروة لملك
- ملوكه أنا هروح ... مصدعه جدا وعايظه أروح
- ليه كدا ؟!
- كابس عليا النوم جدا
- طيب يا جميله أخلي هاني يوصلك
- لا يا حبي مش مستهله هاخذ تاكسي
- ماشي يا جميل هبقى أطمئن عليكي

ذهبت ملك وهاني الي قاعه الفرح وبعد وصولهم بعشر
دقايق

- حبيبتي

- أيوه يا هاني

- أنا في عميل مهم كلمني لازم أروحله دلوقتي وهرجعك

- هو دا وقته ... يعني مينفعش تأجله

- صعب أوي بجد

- متتأخرش عليا يا هاني

- متقلقيش ... هخلص بسرعه وأجيبك

ملك بكل استياء : ماشي

ذهب هاني الي بيت مروة وأطرق الباب ... فتحت له مروة

بقميص نوم شفاف للغاية وهي تنتظر اليه بكل رغبة وشغف

- يخربيتك

- ايه؟!

- ايه الحلاوه دي

تقترب مروة من هاني بكل دلع وأنوثه وتجلس علي رجله

- وحشتني

يقبلها هاني في شفتاها: وأنتي كمان

- بجد!

- اه اه أوي

تضحك مروة ضحكه كلها أنوثه

- يخربيتك

ثم يدخل الي غرفة النوم ... وبعد الانتهاء يشعل هاني

السيجارة وهو مسترخي علي السرير لتأخذها مروة منه

وتدخن

- مجناني يا بنت الإيه

- بجد بامارة ايه بقى النسوان اللي طلعه نازله مكتبك

يضحك هاني

- طب أنتي عارفه... رغم كل النسوان دي لكن أنتي

الوحيدده اللي بتعرفي تظبطي الميموري

ضحكه عاليه

- الميموري بس!؟

- بموت في سفالتك

- سفالتي بس!؟

- بجد أنتي الست الوحيدده اللي برتاح معاها علي السرير

- ومراتك؟

- شاييفني إزاي ياهاني ... زوجه خاينه ؟!
- مروة بقولك ايه تقبلي نفسك وبلاش كلام في الموضوع
دا؟!!

تشعل مروة سيجاره وتأخذ منها نفسا ... أنت عارف يا هاني
الست زي الراجل برده لما جوزها مش بيملى عينها برده
عينها بتزوغ حتي لو في خيالها وكله خيانه
- أنتي برج ايه
- عقرب وأنت
- عقرب برده ... أنتي عارفه أن العقرب بيموت في
السرير وعنده السرير أهم حاجه في حياته
- ههههه تصدق صح

- احنا قلبانها دراما كدا ليه ... تصدقي أنك وحشتني تاني
... ما تيجي
- هههههه يلا
- أيوه بقي
نزل هاني بعد 3 ساعات من عند مروة مسرعا لملك ...
ملك كانت علي آخرها

- حبيبتي معلش أتأخرت عليكي
- كل دا يعني
- معلش الموكل كان تعبني شويه ودا موكل مهم أوي
- أولك ياهاني عايزه أروح
- أنا بقول كدا برده حاسس أني محتاج أريح
- ملك بكل غيظ : أوف
- هاني : علي فكره ياملك أنتي بقيتي نكديه أوي
- وأنت بقيت كداب أوي وكداب هاوي كمان مش محترف
- احترمي نفسك
- تدير ملك وجهها نحو نافذة السيارة وصمت تام الي أن وصلوا
- الي منزلهم وناموا كل واحد منهم في آخر السرير

وجاء اليوم التالي

- هاني ... رامي ... يالا الفطار
- هاني طبعاً قايم من النوم مكشر وبوزوه شبرين
- مالك يا هاني
- ولا حاجة
- مامي مامي
- ايوة يا حبيبي
- هو يعني إيه إنتحار؟!
- ملك في حالة ذهول ... ثم تستجمع قواها ...
- سمعت فين الكلمة دي
- سمعتك وإنتي بتتكلمي مع بابا عن البنت اللي إنتحرت
- هاني : شوفتي ياست هانم عمايلك؟!
- ملك بكل إرتباك : بص يا رامي الإنتحار ده حاجة حرمةا
- الرب ودي بيعملها الإنسان الضعيف اللي بعيد عن الرب ...
- فهمتتي يا حبيبي
- أه ياماما
- طيب يالا علشان الأتوبيس وصل

نزل رامي وأغلقت ملك باب الشقة وذهبت لهاني بكل
عصبية

- إنت مش هتبطل تتكلم كدا قدام الولد

هاني بكل عصبية : لاحظي إن صوتك بيعلى

- تصدق صح ... إنت تقعد تستفز فيا لحد ما تطلع أسوأ

مافيا وبعدين تقولي شوفتي بتعلى صوتك ... شوفي بتتكلمي

إزاي ... بص يا هاني أنا معنديش قدرة أتخايق وأضيع

وقتي

- طبعا ياهانم ماهو أنا آخر إهتماماتك أو ممكن مكنش

من إهتمامتك أصلاً

- تصدق القاعدة مع الجثث أرحم من القاعدة معاك ...

بجد إنت بقيت لا تطاق

خرجت ملك وطرقت الباب وراها ... نزلت ولم تصبح على

حارس العمارة

- هي مالها الضاكتورة أخدا في وشها زي القطر

وصلت ملك العمل واتعرفت على زملائها الجدد ...
لاحظت ملك برغم من هدوء المكان نسبياً عن مصلحة الطب
الشرعي ولكن المهمة ليست سهلة

- إنتي الدكتوراة ملك صح

ملك مخضوضة جداً وتضع يديها على صدرها: أيوة يافندم

- أنا دكتوراة رضوى زميلتك ودي دكتوراة سناء

ملك بإبتسامة : أهلا بيكم

سناء : أهلاً بيكي

- رضوى فطرتي ؟

- ملك بإبتسامة آه من بدري

- طيب ممكن تدوقي سندوتشاتي تجنن

- ههههههه مش قادرة صدقيني

- لا ياهانم مينفعش

- طيب تمام هدوقها

سناء : خلي بالك ياملك رضوى متقبلش إن حد يقولها لا

على أي حاجه هي الأمر الناهي ههه

ملك: ههههههه

رضوى : كدا كدا

رضوى بكل إشمئزاز ... جثة !!! إلحقى يا سناء من أول

يوم سرحانة في الجثة

- ههههه سببها يا ستي خليها تشيل من علينا شوية مش

هيبقى قرف في البيت وقرف في الشغل

- على رأيك ههههه

ذهبت ملك لترى الجثة ... وجدتها متقحمة تماماً بينما هي

مندمجة دخل شريف سعد الدين

- عملتي إيه يا دكتورة في الجثة

ملك تلتفت إليه في ذهول وشريف أيضاً يذهل عندما يرى

وجهها

- ملك!

- شريف!

- يااااه يا ملك سنين طويلة عدت

- فعلا كانت طويلة جداً يا شريف إزاي طنط فاطمة وعمو

صلاح؟

- عمو صلاح الله يرحمه من 8 سنين أما طنط فاطمه

كوبسة

- إنتي قوليلي هنا إزاي طنط تريزا؟ وحشتني الست دي

- ملك تنظر إلى وجه شريف بتأمل ... كويسة الحمد لله
... وترتباك .. قولى إيه حكاية الجثة دي؟! !
شريف وهو ينظر إلى وجه ملك
- إيه بتقولي إيه يا ملك؟!
ملك بابتسامة خفيفة : بسألك بس إيه حكاية الجثة دي!
- الجيران إتصلوا بالإسعاف والشرطة إن في حريقة في
شقة في العمارة طبعاً طفوها ... و اتلقوا جثة متفحمة بسؤال
الجيران لقينا أنها لسيدة عندها 28 سنة متزوجة من رجل
شغلته عامل في مصنع.
- وجوزها عرف؟!
- لما جه من الشغل ولقانا وعرف اللي حصل إتصدم
- يا عيني!
- يا عيني إيه يا دكتورة دا هو ممكن اللي يكون القاتل
- نعم؟!
- طبعاً في بداية الجريمة كل اللي جوه الدائرة وبراهها مشتبه
فيهم!
ملك بابتسامة : فاكّر يا شريف موضوع الجريمة الكامله
شريف بضحكة عالية...

- ومحدث عايز يعترف بيها لحد دلوقتي
- تخيل ولا عندي
- فكك منهم دول ناس مغفله ... المهم أنا هسيبك لشغلك
- لإني راغيت بما فيه الكفاية
- سلم شريف على ملك باليد
- إيه دا يا ملك ؟!
- ملك بخضه :إيه في إيه؟!
- إيدك لسة ناعمة جداً
- ملك بكسوف تنظر إلي الأرض
- شريف بابتسامه صافيه
- يلا هسيبك تكلمي شغلك
- ملك خلصت شغلها وذهبت إلي منزلها وهي في قمة
- سعادتها.. وحضرت الغذاء والتفت أفراد أسرتها على مائدتها
- ملك
- أيوا يا هاني
- مالك النهاردة سعيدة
- تنظر ملك إلى هاني بكل إستغراب
- وهو أنا المفروض يكون الطبيعي إنى أبقى حزينة!

- لا مش قصدي
- ولا قصدك يا هاني
- قامت ملك تغسل يديها تذكرت كلمة شريف " لسة إيدك
- ناعمة يا ملك "وذهبت مسرعة تضع كريم مرطب على يديها
- ثم ذهبت للفراش وهي في قمة سعادتها
- هاني دخل الغرفة وأضاء النور
- إيه هتنامي دلوقتي؟!
- في إيه يا هاني في حد يكلم حد ويفتح النور كدا
- إيه اللي جد ياملك منا طول عمري كدا وانتي راضية؟!
- مين قالك إني راضية مش يمكن ساكتة وباجي على
- نفسي ويقول يمكن الرب يهديك
- وإيه اللي جد ماتخليكي راضية
- ملك بعصبية : لكل إنسان طاقة إفهم الكلمة دي كويس لكل
- إنسان طاقة وأنا طاقتي قربت تنفذ ولا هعمل حساب عيلة ولا
- إبن ولا..
- ولا إيه يا ملك
- ولا حاجه يا هاني ... ولا حاجه يا هاني

هاني بكل إستهزاء : إيه هتغيري دينك ولا مذهبك يا ست
الدكتورة

ملك بارتباك : مش أنا اللي أغير ديني علشان أي حد ولا
أي حاجة ... لإن محدش يستاهل أغضب الرب علشانه...
أما المذاهب حاجة من صنع الإنسان مش من صنع
الرب... وكفاية بقى طريقتك بتاعت المحامين دي

- كويس إنك عارفة إني محامي ومش أي محامي
- طبعا مش أي محامي ... أشهر محامي في البلد بتاع
رجال الأعمال المشبهوين اللي مضيعين البلد ... وسيدات
المجتمع اللي مدورنها على تقيل

- إحترمي نفسك يا ملك

- خلي بالك أنا قربت أجيب أخري

دخلت ملك غرفتها واستلقت على ظهرها تتذكر أيام الطفولة
التي كانت تجمعها بجارها شريف عز الدين والعلاقه الغريبة
التي جمعتهم حتى مرحلة الشباب...

تذكرت حينما كان شريف يأتي بالحلوى التي تحبها ويوصلها
الي المدرسه ثم إلى الجامعة وعندما كان يحكي لها عن
أماله وطموحاته وعن الجريمة الكاملة ههههه

إستيقظت ملك مبكرا ولكن هذه المرة بكل إقبال على الحياة
حضرت الفطار ولكن بتنظيم لم يسبق له مثيل ذهبت
لتصحي زوجها وابنها وهي في قمة السعادة

- صباح الفل والورد والياسمين يا هاني

هاني بكل استغراب : ودا من إمتى

تركته وكأنها لا تريد سماع أي شئ يعكر صفو صباحها

جلست ملك وهاني ورامي على السفرة

هاني بكل إستهزاء : ودا من إمتى الحنان ده

- عارف يا هاني أنا بحاول من الصبح إجتتاب إسلوبك

المستفز ده لكن واضح إنه مافيش فائدة

- طيب لاحظي إن الولد قاعد

تتظر ملك إلى رامي وبعد لحظات الاتوبيس يصدر صوت

دليلا على وصوله...

- يلا يارامي الباص وصل

أغلقت الباب وراء إنها وذهبت لتستعد للذهاب إلى العمل

دخل هاني عليها ووجدها في كامل زينتها

- لا بجد أنا عايز أفهم في إيه؟!

- مش فاهماك يا هاني

- يعني شياكة وبرفان
- على فكرة هدومي هي هي أنا مجبتش لبس جديد!
- بس مكنش بيتلبس وعلى طول لابسة لبس غامق
- عارف يا هاني
- نعم!
- إكتشفت إن الست مش بتكبر الست بتنطفي
- والله ... ومين اللي نور النور يا ست يا محترمة
- أنا قررت أكون سعيدة ومحدث يقدر يطفيني... أنت
- شكاك علشان أنت عوج ومفكر أن كل الستات زي الأشكال
- اللي بتعرفهم
- وبابتسامه كلها ثقة... تكمل :
- أوعى تكون فاكّر إني مش عارفة إنت بتعمل إيه بره البيت
- من علاقات غير محترمة أغلبها بيكون تخليص حساب
- قضايا يا حضرت المحترم ... متبصليش كدا ... لو الزبونة
- معهاش تدفع يبقى تقلع ... وغير بقى الستات التانية دا
- حتي ياراجل مرات البواب بتاعت مكتبك الصيعيديه
- معنتهاش

دا غير بقى القضايا إياها .. أكمل ولا خليني ساكتة ...
على فكرة أنا مش عبيطه أنا بس لما بسكت بسكت بمزاجي
...أنا نازلة

هاني ينظر بكل إستفزاز ويخطب على يده
وصلت ملك للعمل وبعدها بدقائق جاءت رضوى وسناء
ولكن رضوى وجهها كان متغير

- مالك يارضوى

- أختي يا ملك

- مالها

- دي طول عمرها متغربة ... هي عايشة في الكويت
جوزها ناحل ويرها ... دا غير الضرب والشتيمة وقلة القيمة
والشرب والنسوان

- ياااه في رجالة كدا

- الفلوس ياملك لو الراجل مسكها و هو أصله كان فقران

بيبقى ألعن من كدا

شهوه الفلوس وحشه وخصوصا لو الراجل ناقص بتلاقي أول
طريق بيدور عليه هو طريق الحرام ... والآيه بتتقلب وكأن

سناء : كل واحد مننا عنده بلوة

في حين رضوى وسناء يتحدثان وملاك في وادي آخر

رجع شريف مكتبه ودخل عليه الطابط أحمد

- أهلا يا أحمد عملت إيه أقعد

- من خلال يا فندم التحريات الأولية تبين سوء سلوك

القتيلة

رجع شريف بالكرسي إلي الوراق في إبتسامة وإسترخاء:

- وبعدين

- وبيتردد الكثير من الرجال لشقتها وكان آخر أشخاص

دخلوا الشقة قبل الحادث إبن خالتها وإثنين من أصدقائه

- وإيه كمان

الطابط بكل توتر : بس

- ضبط وإحضار يا حضرت الطابط كلا من الزوج وابن

خالتها وأصدقائه...خلينا نخلص من أم القضية دي

- حاضر يافندم

رن هاتف شريف

- ألو إزيك يابرنس فينك

- ههههه شغلانة تقرف يا أخي أنا بحس إن كل مصيبة داخل فيها الجنس ودلوقتي الدعارة مش مقتصرة على الستات دا بقي كمان دلوقتي الشيميل مكتسحين ويمكن موقفين حال الستات كمان ههههه

- ههههه ياراجل معقول !؟

- أه والله زي ما بقولك كذا وألعن ... الحاجات دي موجوده لكن بنكسف نتكلم عنها

- فعلا في حاجات في مجتمعنا موجودة بشكل مخيف وبنخاف وبنكسف نتكلم عنها لكن فعلا الدعارة بقت تجارة وكل مصيبة داخله فيها وهي سبب البلاوي الدعارة بتجر المخدرات والسلاح والقتل لا والغريب بقى يادرش كل لما تيجي تحاول تتكلم على المواضيع دي علشان تلاقي ليها حلول يقولولك

لالالا الشواذ دا غريب عن مجتمعنا

لالالا التحرش دا غريب عن مجتمعنا

لالالا الدعارة دي غريبة عن مجتمعنا

لالالا المخدرات دي غريبة عن مجتمعنا

- المهم يا شيكو إنت عامل إيه
- مابلش شيكو دي يا أخي عيب عليك ... أهو ماشية...
- مش ملك بتشتغل معانا
- ملك مين
- ملك ملك
- ملك بتاعت زمان
- أيوه بالظبط
- يانهارك أبيض بلاش السكه دي البلد مش ناقصة فتن
- فتن إيه يا أهطل إنت ... إن ماعملتها وأنا عيل هعملها
- وهي متجوزه ومخفة ... أنا غلطان إنى بحكيك أصلاً
- طيب خلاص يا شيكو ... ههه قصدي يا شريف ...
- شغلك عامل إيه
- عارف يا مصطفى ... الناس بقت غريبة بعد الثورة زي
- مايكون يا أخي الثورة أخذت الحلو اللي فيهم وسابت الوسخ
- بس ... الناس مبقتش طايقة بعض ولا طايقة البلد أصلاً
- ... وكل واحد بقدره قادر بقى سياسي مدقق فاهم في كل
- حاجة والبلد كلها بقت بتنتقد ... ومحدث بيعمل حاجه
- عدلة ... وبص بقي ياسيدي الموضة الجديدة ... مش

عايزين الشرطة تكلمهم و لو كلمتهم ممكن يتعدوا عليهم
عادي جدا ... آخرتها حادثة الممثلة أياها ... فاكراها
- هههه أه مش دي اللي كانت شارية ولما وقفها الكامين
مرضتش تدي رخصها وضربت الطابط ولما جه يدافع عن
نفسه قالت إنه إتحرش بيها
- أه ياسيدي وغيرهم وغيرهم
- بس سييك يا شريف في برضه طباط بتستهبل ... وودوا
الناس والبلد في داهية
- الخير والشر موجودين وزى ما في طباط كد كدا في
طباط جدعان بيضحوا بأرواحهم كل يوم.... عارف يا
مصطفى ساعات وأنا قاعد مع نفسي ... بقول هل أنا ملاك
ولا شيطان ... بحسني الحاجه وعكسها بس بكتشف إنني
أحسن من غيري وأهي ماشية
- ههههه عمرك ما هتتغير ... وسحر مراتك عاملة إية
- أهى مرزية في البيت ... أهى دي أكثر شخصية
محسساني أني عملت مصايب في حياتي وربنا بيخلص ...
بحس إنها جت الدنيا دي علشان ترازى في إلي خلفوني ...
بحس أني وحيد أوي يا مصطفى وأنا معاها

- عارف لما الإنسان الصبح يجيلك في الظروف الغلط حبنا
كان جوانا من صغرنا بس محدش فينا نطق ... عارف
ليه؟!

- ستر من ربنا طبعاً

- أنا بكلم جد ... محدش فينا نطق علشان كنا عايزين
حبنا يكبر جوانا ميموتش بالظروف لأن إستحالة حد فينا
كان ممكن يتخلى عن دينه أو يكسر قلب أهله ... كنت
بحب فيها إنها فهماني من نظرة عيني مكناش محتاجين
نصارع بعض بحبنا ... مش زي البقرة الحلوب اللي في
البيت ... هي الساعه كام

2 -

- ياااااه ... يلا بينا أنا عندي شغل بكرة
- عارف مبسوط أوي اني قعدت معاك زي زمان كان
وحشني نكدك يا أخي
- هههه حبيبي يادرس يلا هسيبك بقى
- سلام يا كبير
- حاسب إنت بقى
- ههههه حاضر

شريف توجه الي سيارته متجها الى منزله يسترجع ذكريات حياته وكم كان الماضي جميلا نقيا ... يتأمل في شخصيته كيف تغيرت من النقيض الي النقيض من إنسان محب إلى إنسان حي ميت ... لا يستطيع التمتع بحياته وكم الحياة لعينة ليس لها كبير ... تقف أمام رغباتنا ولكنها ليست بوقفة عادية تلوي ذراعنا تاره بالدين وتاره أخري بالقدر كي نصتدم في النهاية بالنتيجة حيث أنها ليست في صالحنا... وصل شريف الى بيته ووجد زوجته بانتظاره ولكن ملامحها يقفد منها الشر

- مساء الخير يا سحر
- قول صباح الخير يا بيه شوف الساعة في ايدك كام
- يارب ياتخذها ياتخذني مينفعش أنا وهي نبقى في حياة واحدة

- بتقول حاجة يا شريف
- خير يا حبيتي
- حبيبتي إيه وزفت إيه
شريف بنظرة حادة ... وصوت مخلوط بالعصبية الشديدة:
- جرى إيه يا سحر هو أنا علشان بكلمك بأدب

- لا تعالى خدلك قلمين ماهى مش جديدة عليك ولا ناسي
- لا مش ناسي ... كنت فاكرك إنتي اللي نسييتي
- ضحكة عالية حزينة ... أنسى إيه ولا إيه أنسى لما
- سيبانك ليا لوحدي في بيت طويل عريض .. ولا مرواحي
- أي مناسبة لوحدي ولا ضريك ليا لما بشتكي
- لإنك بتتخفي مش بتشتكي
- والله ... طيب وإحنا على سرير واحد وطول الوقت
- مغمض عينك وأنا كنت بفتكر أنك في قمة سعادتك وإحنا
- مع بعض وفي الآخر ألاقيك بتناديني بإسم تاني أأتارك
- بتتخيل إنك نايم مع واحدة تانية عارف إنت موتتي كام
- مرة... عارف إنت بتدبحني إزاي؟! عرفت أنا متحملة فوق
- طاقتي إزاي!
- لا يا حبيبتي ما تتحمليش فوق طاقتك ... إنتي عارفة
- إن في ناس كثير بتموت علشان بس إتحملت فوق طاقتها
- إنت شايف كدا!
- بإبتسامة مستنزة ... طبعاً أنا مش شايف غير كدا ...
- يالا تصبحي على اللي تشوفيه ... وتوجه شريف إلى غرفته
- تصبح على نقالة يابعيد

دخل شريف غرفته وهو في قمة غيظه وإستلقى على سريره أخذ يفكر في أمور حياته كعاداته وبالأخص لحظات الصدق بينه وبين نفسه قبل النوم.

هو أنا عملت إيه يا ربي في دنيتي علشان تجازيني الجزا دا كله عارف إني مش ملاك ولما غلطت لا تغتفر بس يارب ميكنش دا العقاب... طيب ياترى أنا كنت غلط لما بحط ليها حبوب منع الحمل في العصير ... ما أديك شايف يارب مكنش ينفع يكون ليا أولاد من الحيزابونه دي ... ثم استغرق في نوم عميق إلى أن أيقظه منبه في الصباح الباكر هرول شريف يأخذ حمامه ثم إستعد لنزوله للعمل وفور وصوله أتى إليه العسكري بكوب القهوة .

- تمام يافندم

- روح إنت وناديلي حضرت الطابط أحمد

- أوامرك يا فندم

دخل أحمد: صباح الخير يا شريف باشا

- خير منين إيه حكاية قتيل مصر الجديدة يا أحمد

- دا رجل أعمال لقوه مضروب بالنار في بيته

- ورجل الأعمال دا معندوش بيت وأسرته وعيال والأجواء العائلية المميزة دي
- عنده يافندم لكن كانوا مسافرين
- جميل وانت عملت إيه يا حضرت الطابط
- أحمد بارتباك :
- بعت أجيب أسرته وجاري التحريات وينستجوب الجيران والبواب
- لا ناصح يا أحمد
- أحمد بارتباك : هو أنا غلطت في حاجة حضرتك؟!
- لا يا حبيبي ما غلطتش ... قولي يا حضرت الطابط
- تحت أمرك يا فندم
- ملحظتش أي حاجه على الشقة بتاعت القنيل!
- حاجة زي إيه ؟!
- شريف بعصبية : حاجة زي الباب مكسور يا حضرت الطابط ... البيت مكركب في إيه يا حضرت الطابط هو أنا هعرفك شغلك ولا إيه!
- أسف يافندم

- بص يابني واضح إن أيامنا هتبقى سوده مع بعض كفاية
اللي البلد فيه ... الغلط مش مسموح بيه يا حضرت الطابط
مفهوم!

- مفهوم يا فندم
- روح أعمل اللي قولتلك عليه ... وصحصح يا حضرت
الطابط وإديهم أمر اللي يشرح الجثة دكتورة ملك مش أي
دكتور تاني

- حاضر يافندم

- إتفضل

- تمام يا فندم

عند خروج الطابط أحمد دخل مصطفى

- إنت لسة ياعم صوتك بيعلى

- حبيبي يادرس عامل إيه

- قولت أسلم قبل ما أرجع إسكندرية ... أهدى شويه يا

شريف مينفعش كدا وبلاش تضغط على الناس اللي معاك

- أضغط إيه بس ... الناس مش عارفة شغلها ومش

مقدرين اللي إحنا بقينا فيه بعد الثورة

في حين شريف يتحدث رن هاتفه

- ثانية واحدة معايا يادرش
- ألو باشا ازاي حضرتك ... تمام يافندم إعتبر الرخص بتاعت مرات سيادتك عند حضرتك ولا تشيل هم ... في رعاية الله ياباشا
- لحظة واحدة يا درش
- ألو سمير بيه بقولك هبعثك عسكري ببيانات مرات واحد حبيبنا إتاخذت رخصتها ... تسلملي ياباشا هو دا العشم أغلق شريف الهاتف ووجد مصطفى مزهله أمامه
- مالك يا ابني
- إنت غريب أوي يا شريف
- الحاجة وعكسها ... نصير العدل وساعات بتتسي تعدل أو بتتناسى ... بتدور على حق الغلبة وفي نفس الوقت ساعات بتيجي على الغلبة ... بتتصح أصحابنا من النسوان وأنت مافيش مانع تعط عطاية ولا إثنين ...
- أه وايه كمان
- كفاية كدا إنت أصلا مش مفهوم
- بص يا درش في كلمة أنا بحبها أوي ... القانون أعمى ... وإحنا اللي بنحركه زي ما إحنا عايزين ممكن

نحركه ناحية اليمين وممكن ناحية الشمال وكله قانوني
وساعات قانونك وساعات قانون فولان المهم إنه كله في
الآخر بيمشي بالقانون ... والقانون اللي حطوا بني آدم زي
وزيك وزى ناس كتير يعني مش قرآن مُنزل ... اللي
بيتحكم في تطبيقه الأقوى ... الأقوى مني ومنك ومن أهاليها
كمان ... لكن ربنا هيحاسبنا على النيات ... وكل واحد
ونيته

- ياراجل
- شوفت الموضوع بسيط إزاي
- طيب والثورة اللي إنت كنت ضدها
- وطلع عندي حق ولا لا
- معاك بس برضه
- بص يا درش الثورة دي إتعملت علشان تشيل ناس كانوا
حيثان البلد وشبعوا أوي علشان حيثان تانية صغيرة تطلع
بدلها ... تقدر تقولي الثورة إتعملت ليه
- علشان الغلبة تعيش!
- وعاشت؟!
- لأ

- شوفت
- ومين اللي عمل الثورة؟ الغلبة؟! لا
- ناس تانية ليها مصالح ومدارية في ستارة الثورة من أجل الغلبة وأول ما إتمكنك خلاص ... إيه بقى نتيجة الثورة
- إنفلت أمني
- وإيه كمان ؟ ... !أقولك أنا إنفلت أمني ... ناس مش لاقية تاكل أكثر ... هيبة الشرطة كانت ها تروح بسبب شوية عيال سيس ...الفقر إنتشر ... الناس بتخسر ...
- يامصطفى إحنا شعب منعرش يعني إيه ديمقراطية ولا حرية بنقلد وخلاص وينسخن بسرعة ... بمعنى علشان متسألش ...ناس عندها أغراض عايزة تنفذها تقوم مسخنة الناس
- الجهلة اللي مخهم على قدهم وعايزين يبينوا إنهم فاهمين علشان يوصلوا لأغراضهم عن طريق ناس ساذجة وبالقانون
- لكن هيبة الدولة والشرطة إبتدت ترجع
- أديك قولتها إبتدت عارف مصر عاملة إزاي
- إزاي؟!

- أقولك أنا زي الست اللي طالع عين أهلها والكل طمعان فيها من جوه البيت قبل براه
- شوفت لما مسك إخوانا البعدا خرجوا إزاي ؟ !
- بطلوع الدرس
- وخربوا البلد إقتصاديا وسياسيا
- هو مين اللي خربها
- الإخوان طبعاً
- غشيم... مش الإخوان بس ... الإخوان والجهل وإنعدام الضمير ... وكلمة نفسي ثم نفسي ... وأكلنا في بعض العيال اللي طالعين يقولوك البلد مش نظيفة
- ماهي فعلاً مش نظيفة
- مين اللي بيرمي الزبالة مش إحنا ؟!
- ماهو مافيش صناديق زبالة الناس تعمل إيه ؟!
- تصدق دا مبرر!
- لا مش مبرر
- ولا بقى حقوق الإنسان اللي أصلاً بتدافع عن البلطجية وإدوهم حقوق وفي الآخر بقى المواطن المحترم بيخاف من

البلطجي ... والبلطجي اللي مبقاش بيخاف من حد والنبي
خليني ساكت ...

أنا عارف إني متناقض وشوية ببقى خير وشوية ببقى شر
بس الأكيد إني واقعي ... والمواقف والظروف هي اللي
بتتحكم فيك هتبقى إيه في الموقف اللي هتتخط فيه هتبقى
خير ؟ ولا شر ؟ هتبقى طيب ؟ ولا حقير ؟ هتبقى فاعل خير
ولا العكس ... هتكون متدين ولا نسوانجي وإنت بقى وحظاك
في الموقف

- هفضل عكس بعض يا شريف
- بس أصحاب ودا المهم
- عندك حق هستأذنك علشان ألحق أرجع إسكندرية
- خلي بالك من نفسك يا درش
- وإنت كمان خد بالك من نفسك
- سلام
- سلام ... قلبت عليا المواجه يا أخي الله يحرقك
- خرج مصطفى ونادى شريف على العسكري
- يا عسكري ... ناديلي دكتورة ملك
- حاضر يافندم

- بعد دقائق أتت إليه ملك وهي تدق الباب ... حضرتك ندهتلي ؟!

- حضرتك ! حضرتك إيه يابنتي دا إحنا متربيين سوا

- معلش إحنا في الشغل

- على راحتك يا ملك ... قوليلي عملتي إيه في الجثة اللي إتبعنك بتاعت الراجل اللي إتقتل في بيته!

- مافيش أي اثار تعذيب في الجسم نهائي ودا لو دل يدل إن المجني عليه مكنش مدي خيانة ولا حرامي دخل البيت ... اللي دخل البيت حد يعرفه القتل كويس وممكن هو

نفسه اللي فتح له الباب بكل ترحاب

- جميل والرصاصه

- الرصاصتين يافندم إضربوا من الظهر وعلى مسافة مش

بعيدة على الاطلاق بالعكس ودا لو دل بيدل على أن القتل

فتح الباب للجاني ودخل وهو مدي الأمان والجاني ضرب

رصاصتين من الظهر واحدة في العمود الفقري وواحدة في

الرقبة

- هايل يا ملك

- هو حضرتك الحادثة اللي فاتت بتاعت الست اللي
إتحرق تطلع مين الجاني
- ههههه ولد صايع كان ماشي معاها ولما عرف
علاقاتها المشبوهة مقابل الفلوس حرض عليها ابن خالتها
وصديقهم آل إيه يقتلوها إنتقاما لشرف العيلة هههه
- يا ستار
- إنتي عاملة إيه مع جوزك يا ملك
- نشكر الرب هو إنسان كويس
- أنا سمعت إنه المحامي هاني جرجس
ملك بارتباك : أيوه هو
- بيقولوا محامي شاطر ... وعمره ماخسر قضية مهما
كانت.
- الحمد لله
- طيب يا ملك مش عايز أعطاك بس عايز التقرير فورا
بتاع الجريمة ممكن
- حاضر
- ماشي يا ملك
- بعد إذنك يا فندم

- إتفضلي ... شريف بينه وبين نفسه هتفضلي زي ما إنتي
ياملك كتومة وأنا متأكد إنك مش سعيدة وعيونك فضحاكي
ملك تحاول الإتصال بزوجها ولكنه لم يرد ، هاني في مكتبه
يرى تليفونات ملك ولم يرد لأنه مشغول مع موكلة عنده
بالمكتب

- بصي ياستي قضيتك هتكسبها كدا
- إزاي بس دا كل الادلة لصالحه
- هي فين الأدلة دي ياست الهوانم ... إديني دليل واحد
بس يديناك إنك خنتيه!

- نعم!

- متقلقيش بس كل شئ بتمنه

- أمرني

- الفلوس اتفقنا عليها 100 ألف جنيه

- مش كثير ؟!

- هو 100 ألف جنيه كثير عليكي يا هانم وعلى

حبستك ؟!

- موافقة

- وإنتي

- أنا إيه؟!

- إنتي عارفة أنا عايز إيه؟!

السيدة بضحكة صفرة : موافقة ... لكن مش إنت متجوز يا
متر .

- طيب ما أنتي كنتي متجوزة يا مدام حنان!

حنان بإرتباك : عندك حق بعد أذنك علشان ورايا إرتباطات

- طبعاً طبعاً إتفضللي الله يكون في العون

خرجت مدام حنان ودخل نادر

- إنت إيه يابني مافيش رحمة نسوان داخلة خارجة كدا

- أنبر بقي أنبر ماهي ناقصة نبرك

- لأ بجد إنت كل موكلينك نسوان ومش عاتق يا جدع و

صغيرين على كبار حتي يا جدع ال Over edge

- هو في أحلي من ال Over edge يامغفل

- هههههه أهو إنت بقي ياهاني بجد عقدتني في الجواز

أتجوز إيه طالما كدا كدا هعط

- هههههههه قصدك أنا عملت فيك جميل ... المهم خد

الملفات دي وزعها على الموظفين وإدي لكل واحد فيهم

القضية اللي مناسبة ليه وهيقدر يسد فيها لإننا مش ملاحقين

على كل القضايا

- ماشي

- يلا طرقتي

- ماشي

- سلام يا خويا ... يخربيت القر

هاتف هاني عاود الرنين ... يوه ياملك

- ألو

- أيوه يا هاني إنت فين

- هكون نيلة فين في الزفت المكتب

- سلام يا هاني

- إنتي متصلة علشان كدا

تيت تيت تيت

- يا بنت المجنونة

رضوى : مالك يا ملك

- مافيش

- لأ بجد

ملك تبكي

- ينهارك أسود في أياه
 - تعبت يا رضوى
 - من إياه بس
 - من حياتي كلها
 - قصدك جوزك!؟
 - عرفتني إزاي!؟
 - الست ياملك لما تحس إن حياتها سودة بيبكون جوزها
- السبب

- ياستي إخلعيه
 - أخلعه إزاي بس لا الكنيسة هتوافق ولا أي حد هيوافق
 - إياه دا إنتي مسيحية !
 - أه ليه مكونتيش عارفة
 - وإحنا من إمتى بنسأل في الحاجات دي يا ملك
 - عندك حق كل مدى عاملين نوحش إلا في الموضوع ده
- الحمد لله

- المهم نرجع لموضوعنا أنا كنت سمعت إن عندكم مذهب
- مش فاكرة أسمه بيبيح الخلع
- أه فعلا

- ليه؟!

- لما كبر بيه السن ومكنتش لاقية عريس ... خافت
تعنس في الوقت دا اتقدم لها واحد من قصار القامة

- وبعدين؟!

- وفقت بيه علشان ... هو دا اللي متوفر حاليا ... وقالت
أهو كلنا بني آدمين زي بعض

- جميل

- لأ مش جميل ... لأنها مكنتش مقتنعة بالكلام اللي
بتقوله ... ولا بشخصيته أساسا

- وبعدين؟!

- وراها بقي يا ستي العذاب ألوان دا غير الشك ... والغيره
... وهوس إنها ممكن تبص لراجل تاني غيره ... والضرب
والاهانة علشان يثبت لنفسه إنه كامل

- اها يعني هو مش راضي بقضاء ربنا ... وحاسس إن
اللي فيه ده نقص!

- بالظبط كذا

- وبعدين

- بعد بقى ياستي ما كانت خايفة من العنوسة ... بقت خايفة تطلب الطلاق وتأخذ لقب مطلقة فبقى عندها لقب متروجة تعيسة أفضل
- صعب أوي كدا
- لا في الأصعب
- إيه ؟!
- خلفت منه ... لكن مش دي المشكلة ... بالعكس العيال طالعين زي الفل ماشاء الله
- جميل الحمد لله
- المشكلة إنه بيرفض أنه يحضر أي مناسبة معاهم ... ومانعهم يجيبوا أصحابهم في البيت ومبيخرجش مع سناء ومانعها من الخروج ومانع يكون ليها أصحاب وكل يوم والتاني تيجي الشغل وشها مزرق من الضرب
- ياستار ... خليني أجهز التقرير بتاع جثة رجل الأعمال أحسن أنا قلبي إتقطع
- ومين سمعك
- أما هاني فاتصل بهاتفه بمروة
- وحشتيني يابت

- ياراجل
- طيب تصدقيني لو قولتلك إنني عامل زي القرش البراني
بلف ألف وبرضه أرسى عندك
- طيب إيه ؟!
- جوزك فين ؟!
- في شركته
- هيتأخر
- معرفش
- مجازفة لو جتلك البيت ؟!
- أه طبعا
- لا علي إيه بصي في شقة واحد صاحبي إيه رأيك
أشوفك بعد نص ساعة
- شقة إيه يا هاني إنت مجنون هي حصلت
- يعني أنا مش وحشاك
- وحشني لكن أنا مش رخيصة أوي كدا
- إنتي وحشاني علي فكرة ... وبتحايل عليكي
- حاضر يا هاني فين الشقة دي
- جنب مكتبي يا حبي

بقولك إيه ياهاني وانت من أمتي بتسأل نفسك الأسئلة دي
...عيش ياريس إنت بتتعب مش هيبقي نكد الست الملك
وشغلك ومافيش منفس.

شريف يجلس في مكتبه ومعه إثنين من معاونيه أحمد
وباسر

- تقرير الطب الشرعي في ايدي بيقول إنه مافيش أي
مقاومه من ناحية القتل يعني القتل مكنش مدي خيانة ...
- سيادتكم عملتوا إيه بقي في التحريات بتاعت سيادتكم
أحمد ينظر إلى ياسر بكل توتر ثم ياسر يتحدث
- ياباشا دافع السرقة مش موجود أصلا لإن الفلوس
والذهب و كل حاجه زي ماهي
- جميل يا ياسر وإيه كمان
- وكمان مافيش بصمات غريبة دخلت البيت
- ممكن يكون الجاني لابس جوتي يا حضرت الظابط
ياسر يبتلع ريقه:
- أه طبعا ممكن يافندم

- ممكن يا فندم ! اه ... تمام ... دا اللي حضراتكم طلعتوا

بيه؟!

أحمد : لا يافندم

شريف بكل إنشكاح: إيه بقى اللي طلعتوا بيه

- إن الرجل ده بتاع نسوان

- ماكلنا يا ياباشا بتوع نسوان إيه جديدك

- لا يافندم مش أي نسوان

- إزاي يعني؟!

- دول نسوان رجال أعمال تانيين ونسوان شركاته كمان

- إلعب ... وبعدين

- فإحتمالية جوز واحدة فيهم يكون هو القاتل لما عرف

- احتمال برضه ... يبقى كذا عايز تقرير مفصل لكل

شركات القتل وزوجاتهم ... وكل رجال الأعمال المنافسين

وزوجاتهم ... تمام!

- تمام يافندم

- مع السلامة يا أساتذة

شريف بينه وبين نفسه:

شباب خرع

هاتف شریف یرن ینظر إلى هاتفه یجدها سحر

- أعوذ بالله

- ألو

- أيوه یاشریف

- یاعیون شریف

- أنا عایزه أنزل أشتري شویة حاجات

شریف بینہ و بین نفسه : ومن إمتی الاستاذان والأدب ده ؟!

- ألو شریف

- أيوه أيوه هرتوحي فین یعني

- الزمالك فيه فستان عاجبني هنزل أجيبه

- ماشي ماشي ما تتأخریش

- حاضر

سحر تغلق الهاتف وعليها علامات الحزن الشديدة وتخرج

من المنزل ولكنها لم تتجه إلى محل الملابس بل إتجهت إلى

عيادة الطبيب النفسي

- مساء الخير

- مساء النور یافندم

- أنا عندي میعاد مع الدكتور بعد إذنك

- بإسم مين يافندم
- سحر بكل إرتباك: بإسم أميرة حسين
- أه يافندم إتفضلي لحظة واحدة أبلغ الدكتور
- دخلت السكرتيه تبليغ الدكتور بوجود كشف وبعد دقائق
- بسيطة خرجت
- مدام أميرة إتفضلي
- لم تجيبها سحر
- ذهبت السكرتيرة اليها ... مدام أميرة
- سحر بفرع: أيوة
- إتفضلي الدكتور بإنتظارك
- شكرا
- دخلت سحر بإرتباك
- إتفضلي يامدام أميرة ... عاملة ايه
- مش كويسة يا دكتور
- من أولها كدا؟!!
- أنا محتاجة مهدئ بعد إذنك
- بس أنا مش طبيب نفسي علشان أكتبك مهدئ
- سحر بكل فرع : أمال حضرتك إيه؟!!

- إنتي إتخضيتي كدا ليه في فرق بين الطبيب النفسي والمعالج النفسي يا مدام أميرة ... الطبيب النفسي بيكتب أدويه و فعلا مصرح ليه بالكلام دا لو الحالة محتاجة لدوا أما المعالج النفسي فهو متخصص في تعديل السلوك ومساعدة الشخص على حل مشاكله دون الحاجة إلى دوا ...
- فهمتيني يا مدام أميرة
- أه فهمت حضرتك ... لكن أنا محتاجة مهدئ مش محتاجة حل لمشكلة
- مين قال كذا؟!
- أنا اللي بقول لحضرتك كدا ... لإني أدري أن ماشكلي ملهاش حل نهائي
- مين اللي قال يامدام أميرة أن في مشكلة ملهاش حل
- علشان لو ليها حل يا دكتور كانت إتحلت من زمان ...
- عن إذن حضرتك
- إتفضلني يا مدام أميرة ... لكن بعد إنك لو حسيتي إنك محتاجة تفضفضي أرجوكي متتردديش وفكري كويس في موضوع الأدوية دي لانها ليها أضرار كثير
- سحر بابتسامة حزينة : إن شاء الله يا دكتور

خرجت سحر من العيادة وهي في خيبة أمل شديدة وتحدث
نفسها ... عايزني أحكيه ! أحكيه ايه ولا ايه ولا ايه
الحزن والذل وعدم الإهتمام ... ولا علاجي لغلط بغلط...
وأمسكت بهاتفها
- ألو -

في نفس اللحظة كانت ملك عند مامتها
- كويس إنك جيتي النهارده يا ملك ... كنتي وحشاني أوي
- حبيبتي ياماما أنا عارفة إني مقصره معاكي ... عارفة
ياماما أنا بشتغل مع مين ؟!
- مين يا حبيبتي
- شريف سعد الدين
- ايه ده , جيرانا بتوع زمان
- أيوه
- ياااه الدنيا ضيقة أوي

- فعلا عندك حق وبينها وبين نفسها الله أعلم إذا كانت الدنيا ضيقة ولا إحنا اللي كبرنا عليها ...أمال فين ماريان يا ماما

- بتتكلم في التليفون هي حكلك على الشاب اللي متقدم ليها ؟!

- أه قالتلي

- وأيه رأيك؟

- لازم ياماما تتأنى شوية موضوع الجواز مش موضوع سهل وخصوصا عندنا

- أحتك كبرت يا ملك ولازم تتجوز ويبقى عندها بيت وأولاد على حساب مين يا ماما

- بكل إستغراب ... يعني إيه على حساب مين؟!

- يعني بيت وعيال على حساب نفسها؟ على حساب سعادتها؟ على حساب راحة قلبها؟

- إيه يابنتي مالك بس ... أحكيلى

ملك بنظرة كلها حزن : ولا حاجة ياماما أنا بس خايفة عليها

- حبيبتى أنا أمك فضفضي معايا ... هاني مزعلك؟!

- أبدا ياماما ولا أي حاجة

- طيب يلا هعملك لقمة تكليها تلاقيني نسيتي نفسك
- كالعادة مع لخرة الشغل ... بدمتك موحشكيش أكل مامتك؟
- لا يا حبييتي أنا لازم أروح علشان رامي وهاني لكن أكلك
- أكيد وحشني جدا ... بجد ولا يوم من أيامك
- ماشي يا ملك بس افتكري أمك على طول وإفتكري إن
- ملهاش غيرك إنتي وأختك ... ومش هتلاقي أأمن من
- حضنها وهي بتسمعك
- أكيد يا حبييتي
- نزلت ملك من منزل أمها بتمسك بالتليفون للاتصال بزوها
- هاني
- ألو أيوه يا هاني
- أيوه
- إنت فين ؟!
- لسة في المكتب في حاجة؟!
- لأ ابدأ بظمن عليك
- هخلص وأجي على البيت على طول
- تمام
- أغلقت ملك الهاتف ... وهي تحدث نفسها :

كل مره بتخليني أندم إنني إتصلت أصلا ببيك جتك القرف

هاني في المكتب مع موكل

- ياباشا إطمن قضيتك محلولة

- إزاي بس يا متر البت رميا بلاها عليا وبتقول إنني لعبت

الدينئة معاها ... وهي عذراء الربيع

- هههه وانت لعبت!؟

- وايه لزومه السؤال دا بس

- قولي بس فضفض ... متخفش هطلعك منها زي الشعرة

من العجين

- مش مجاوب

- يبقى أنا عرفت الاجابة كدا ... عموما ياباشا تكاليف

القضية 200 ألف جنيه

- لبيبيه هو إنت هتطلع سعد زغلول من المعتقل

- ياريت ياباشا كان الموضوع هيبقى أسهل بكثير ...

عموما إنت حر فكر وقولي

- موافق يا متر بس خف إيدك شوية

- وحياتك عامل معاك أحلي واجب ... براءه ... وسمعتك ...
...وهانجيك من فضيحة ماليها أول من آخر دا غير انى
هنجيك من انتقام أم العيال ودول مايتقلوش بمال و
خصوصا إنتقام أم العيال ولا إيه؟!

- ماشي يا متر بالإن

- إذنك معاك

نادر ينظر إلى هاني

- هتطلعوا إزاي منها

- هنستغل إن القانون أعمى وإحنا عكازه اللي بنوجهه
وهنستغل إن الشرف في مجتمعنا هو غشاء البكارة بس ...
وهنلعب بقي على النقطين دول فهمت
- يعني قصدك.....

- أيوه هو دا قصدي وساعتها الباشا هيكون متضرر
ومجني عليه كمانطبعا راجل ثقيل في البلد ومعا
فلوس وليه وزنه وكمان ليه أعداؤه

- إنت إيه يابني

- أنا بابا يالا

- هههههه

- يلا بقى أنا هنزل ورايا معاد
- معاد نسائي طبعاً
- وأنت مالك يا أخي هو إنت مراتي؟!!
- ههههه كدا برضه ... بظمن عليك
- أظمن يا خويا ويالا متعطلنيش قبل ما جوزها يجي
- نعم .. هي متجوزه؟!!
- يا غشيم أوعى تمشي مع واحد فاضية هتجعلك دماغك
- لكن المتجوزه وقت ما عايز تخلع منها هتخلع منها بسهولة
- أستاذ
- يلا يا خويا سلام
- سلام

توجه هاني إلى مروة وبعد أن قضوا أوقاتاً ممتعة مع

الشيطان

مروة : هاني أنا قررت أبطل

- تبطلي إيه سجاير؟!!

- لأ خيانه

- تاني ضميرك بتاع كل مره اللي بينكد علينا القاعدة

- لأ المرة دي بجد
- مش هتقدري
- ليه؟
- لان أنا اللي مظبطك الميموري
- يا أخي ملعون أبو السرير علي الخيانة أنا تعبت بجد أنا
- بخاف أخط عيني في عين جوزي... طول الوقت خايفة منه
- ...حاسة أنني علي راسي بطحة... كفاية لحد كدا
- علي فكرة مش بمزاجك
- نعم!
- أه صدقيني زي ما بقولك كدا أولاً العلاقة دي بينا أحنا
- الإثنين يعني مينفعش طرف منا ياخذ القرار كدا مع نفسه
- لازم نقعد وناخذ القرار سوا
- ما أنا بقولك أهو
- وأنا مش موافق
- إنت حاسس إنك نضيف؟!
- أه نضيف جدا
- راضي عن نفسك؟!
- كل الرضا وحياتك

- إنت كداب ياهاني
- ليه كدا
- إنت لو راضي كان بان في عينيك
- يعني يبقى جوزك وملك والزمن علينا ... طيب مش بزمك أنا اللحظات الحلوه ... البنزين اللي بيخليكي عارفه تكلمي ... طيب إنتي عارفة ؟!
- إيه ؟!
- هما بجد يستاهلوا الخيانة ... يعني نخونهم وإحنا مرتاحين ... ماهما لو ميستهلوش الخيانة كانوا راعونا وحبونا ومأذوناش
- لكن الخيانة ملهاش مبرر!
- دا كلام الكتب اللي بيضحكوا بيه علي عقول الناس الساذجة ... الخيانة يا قطة ليها مبرر ومبررها قسوة الطرف الثاني ... جبروته ...
- مش عارفة أرد عليك
- يبقى أفتتعتي
- سكooooooooooooوت
- يبقى السكوت علامة الرضا يلا نقوم علشان متتأخريش

- رضوى تتصل بسناء للإطمنان عليها
- ألو سناء إزيك أنا رضوى
 - أيوه يارضوى إزيك
 - مال صوتك يابنتي وليه مابتجيش الشغل؟!
 - أخدا أجازة
 - ليه؟؟!
 - سناء تبكي : ضربني وبهدلني وشحتني بالبس اللي عليا ..
 - أنا والعيال
 - ليه يابنتي كل دا!
 - معرفش ... بجد معرفش
 - لا بجد دا مريض إنتي قاعدة فين دلوقتي؟!
 - عند ماما
 - أثناء المحادثة تسمع سناء جرس الباب وتسمع صوت والدتها
 - يا سناء ... يا سناء
 - رضوى إقفلتي دلوقتي لما أشوف ماما بتنده ليه
 - أولك يا حبيبتي بس خلي باللك من نفسك
 - حاضر

أغلقت سناء الهاتف وتوجهت إلى والدتها لتجد زوجها
بالمنزل

- إنت ايه اللي جابك

- جاي أرجعك لبيتك

- بيتي اللي أنت طردتني منه ؟!

- لحظة شيطان يا سناء وراحت لحالها ... ما تقولي حاجة
يا حماتي

- هقول إيه لا إله الا الله

- محمد رسول الله يا حماتي ... لكن أنا قصدي عقلي
بننك

- منا لو عقلتها مش هيكون عقلها لصالحك

- أه يعني هي اتفاقية عليا

سناء : بطل بقى نظرية المؤامرة والعقد النفسية اللي عندك

دي إرحمنا بقى يا أخي

- تصدقي إنك ولية قليلة الادب

- فعلا أنا قليلة الأدب إنني أكون دكتورة قد الدنيا وأتجوز

واحد زيك لا تعليم ولا أدب ولا أي حاجة

- لو قصدك إني قصير أكثر من الطبيعي ... بس رحمتك
من العنوسة يا عانس
- سناء في نرفزه أنا مقصدتش الموضوع دا ... لكن عارف
أكبر غلطة غلطتها إني خوفت أ بقي عانس وقولت ضل
راجل ولا ضل حيطة اللي في الآخر طلع حيطة مايله مش
راجل بيعد أيده على واحدة ست
- يصفعها على وجهها
- وأقسم بالله لهخلعك زي الجزمة اللي بخلعها من رجلي
والدتها : يلا برا ياواطي وأقسم بالله ماهاكون على ذمتك يا
عديم الرجولة
- بعد أن أغلقت والدتها الباب
- ياما قولتلك يا سناء عانس أحسن ألف مرة من الجواز من
راجل مش مقتنعة بيه
- عندك حق ياماما أنا اللي غلطانة ... كنت خايفة قطر
الجواز يفوتني ... وإكتشفت أن قطر الحياة كله فاتني وإني
عائشة لكن ميتة
- بعد الشر عنك يا بنتي ... يارب يفرح قلبك

في صباح اليوم التالي

شريف يتوجه الى مكتبه

- إبعثلي أحمد باشا يابني

- حاضر يافندم

أحمد يتوجه إلى مكتب شريف وهو يقدم رجل ويأخر رجل.

- أيوة يافندم

شريف ينظر إليه في إستغراب

- مالك يابني إنت ظابط عارف يعني إيه ظابط ... يعني

دخلتك فيها ثقة فيها هيبة

- حاضر يافندم

- عملت إيه في قضية رجل أعمال مصر الجديدة

- جينا يافندم أسماء زوجات رجال الأعمال اللي بيتعاملوا

معاه

- هايل

- لكن

- لكن إيه ؟!

- إتفضل حضرتك بص في الأسماء

- هات

أخذ شريف الملف وهو يقرأ وتظهر عليه علامات
الإضطراب

- يانهار أسود

- هنعمل إيه يا فندم!

- أخرج و سبني دلوقتي يا أحمد

- حاضر يا فندم

- يمسك شريف بهاتفه

ألو أيوه يافندم بخصوص قضية رجل أعمال مصر الجديدة

...حاضر يافندم هخش في الموضوع ... هبعث لحضرتك

ملف المشتبه فيهم وياريت حضرتك تديني رأي جنابك

ملك تصل إلى عملها

- صباح الفل يا رضوى صباح الخير يا سناء حمد لله على

السلامة يا جميلة

- صباح النور ياستي

- إيه النشاط ده بتشرحي يا رضوى على الصبح

- أه قضية ست ماتت وشاكين إنها ماتت مسمومة

- طيب ولقيتي إيه ؟!
- مش باين عليها اي اعراض تسم
- مش كل اللي بيتسمم ببيان إنه إتسم ... ومش معنى إنه باين إنه متسممش إن مافيش جريمة!
- إزاي ؟!
- في مواد بيبكون مفعولها بطئ ومع أخذانها مدة طويلة بتجيب سكتة قلبية عادي جدا
- عندك حق
- دلوقتي بقى ومع ظهور المدعوق جوجل ... بقى الموضوع أسهل وأسرع ... بضغطة زرار من الآخر بتعرفي إزاي تضري
- عندك حق

تليفون رضوى رن

- يوووه دي الشغالة
- أيوه يا زينب ... يعني إزاي مش عايزة نيله تروح الكلية إديها

أيوه ياست هانم ... إيه موضوع الكلية ده ... عارفة نيلة إن
كليتك نظري ... أنا مش بقولك إحضري المحاضرات
علشان تطلعي الأولي أنا بقولك إحضريها علشان يكون
ليكي شخصية بعد كدا ... بكره يا ساره تعرفي قيمة كلامي
دا ... يالا استهدي بالله كدا وإنزلي وكلميني أول ما توصلي
الكلية ... يالا مع السلامة

- عيال يجيبوا الضغط يا شيخة

- بس تصدقي يارضوى عجبتي دماغك

سناء :

- فعلا رضوى غريبة جدا لكن شكاقة زيادة عن اللزوم

- دي أقل حاجة عندي ... ثم أنا مش شكاقة ... أنا بس

فاهمة الدنيا صح

سناء : خلي بالك يا رضوى ساعات بنكون فاكرين إننا

فاهمين الدنيا صح ... لكن بعد فترة بنكتشف إننا غلط

وممكن نخسر حاجات مهمة في حياتنا

رضوى : خليكي في حالك

سناء : حاضر هههه

ملك : لا بجد عجبتي يارضوى

رضوى : في إيه بقى!

- عندك مبدأ ماشية عليه ... رغم إنك تباني إنك أخذت
الحياة بضحك وهزار وزى ما تيجي تيجي
رضوى بنظرة عميقة لملك :

- عارفة ياملك أنا إتجوزت وأنا صغيرة جدا كنت لسة حتى
في الجامعة 18 سنة ... شوفت فيهم بقى الممرار وخلصت
الجامعة باعجوبة ... الدنيا علمتني كتير وقتها ... علمتني
أني مستسلمش وأن يكون ليا مبدأ في الحياة وأني برضه
ماديش للدنيا أكثر من قيمتها ... وإني لازم أربي أولادي
بشكل مختلف يكون ليهم دماغهم اللي يشوفهم يقول يسلم
اللي ربي ربنا يصلح حاله

- سامعه ورا الكلام كلام يارودي

- أكيد ياملك هايجي اليوم اللي هفضفض فيه

- مستنيه

سناء : رضوى فعلا دماغ وغريبة!

ملك : يلا بقى خاينا نشغل

- ماشي

أحمد يذهب الي شريف في مكتبه

- أيوه يا فندم حضرتك طلبتني

- أيوه يا أحمد قضية رجل أعمال مصر الجديدة هتأيد

ضد مجهول

- إزاي يافندم

- دي أوامر عليا

- إزاي يافندم

- علشان البلد متولعش وإحنا مش ناقصين

- إزاي يافندم

- إمشي يا أحمد من قدامي ولو عندك دليل واحد إن حد

من المشتبه فيهم قتل الراجل ده ياريت تقولي ... عندك؟!

- لا يافندم معنديش

- يبقى مينفعش ناخد أي قرار يا حضرت الظابط ...

فهمت؟!

- بعد إذنك يافندم

- إتفضل

أحمد يدخل إلي مكتبه ويجد زميله منتصر جالس

منتصر : مالك يابني على وشك غضب ربنا

- قضية رجل أعمال مصر الجديدة هتأيد ضد مجهول
- إسمعني!
- علشان المشتبه فيهم أسماء كبيرة وما فيش ولا دليل
ضدهم
- طيب ما ده طبيعي يحصل!
- إزاي يعني
- فين الادلة يابني علشان تنجح في شغل لازم تكون
مضبطة...
- بدمتك بقى القضية دي متضبطة
- هي من ناحيه متضبطة فهي متضبطة ... لكن للأسف
مش إحنا اللي مضطيينها
- أحمد كن وإعقل
- الظاهر لازم أعقل فعلا

- نادر يدخل على هاني مكتبه
- ألف الف مبروك كسبنا قضية الزنا بتاعت المدام
إياها

- مش قولتلك ... إستنى إستنى
- الو أيوه يا هانم أنا كنت قد كلمتي وكسبتي القضية
- أه بجد علشان تعرفي إن هاني كلمته واحده هشوفك
- إمتى؟... ماشي في إنتظارك
- إبليس يا متر
- هههههه ما هو علشان تاكل البط لازم تزغطة وعلشان
- تتجح في الشغل لازم تظبطه وأنا بقى أستاذ في الإيتين
- عارف!
- إيه؟!
- ربنا يكفينا شرك!
- طول ما أنت حبيبي هيكفيك شري ... يلا بقى طرقي
- شريف يعود إلى منزله بعد يوم عناء طويل ولكنه هذه المرة
- فتح الباب بمفتاحه ولم يضرب الجرس كعادته دخل غرفته
- وجد زوجته تعلق الهاتف سريعا
- مالك يا سحر
- مافيش إتخضيت بس
- ليه يعني

- أصلك أول مره تدخل من غير ما تخبط
- أه فعلا كنت تعبان فدخلت على طول
- تمام هحضر العشا
- كنتي بتكلمي مين ياسحر؟!
- سحر بتوتر واحدة صحبتي
- مين يعني؟!
- واحدة إسمها نادية متعرفيهاش
- تمام يالا حضريلنا العشا ... أنا ميت من الجوع
- ماشي
- ستات قلبها رهيف
- جلس شريف على كنبته التي في غرفته ولكن لم يسترخي
ولم يفكر في تفاصيل يومه ... لكنه تذكر ملك وابتسم
إبتسامة بعيدة كل البعد عن شخصيته الظاهرة ... إبتسامة
كلها رومانسية وهدوء ... وقال فعلا الأقدار دي غريبة أوي
ساعات كتير مبتقاش على مزاجنا ولا على مقاسنا ...
بتيجي تعكن علينا وخلص
- شريف شريف

- حاضر حاضر وبصوت منخفض حاضر يا هادمة اللذات ... شريف يتوجه للسفرة
- ايه العشا الجامد ده
- سحر بينها وبين نفسها : ياكش يطمر
- بتقولي حاجة ياسحر
- لا يا حبيبي بقول يارب دايمًا يعجبك وهما يتناولان الطعام سحر سألت شريف :
- شريف هو إنت بتحبني؟!
- إيه السؤال الغريب دا؟!
- غريب ! غريب إزاي ؟
- يعني إنتي مراتي!
- يعني مراتك متسألش السؤال دا ؟!
- لا مقصدش ... هو حصل حاجه غلط مني؟!
- ساعات ياشریف كل حاجه ظاهريا بتكون صح
- ظاهريا بس
- أنت مالك النهارده شكلك تعبانة؟
- أه الظاهر كذا يلا تصبح على خير
- وأنت من أهلك ... مالها الولية دي بقت إنسانة غريبة؟!

هاني مازال في مكتبه ... دخلت عليه السكرتيرة

- إيه يا نفين لسه في حد بره

- أيوه يافندم

- ست ولا راجل؟!

- حمدي بيه يافندم

- خليه يدخل يا مغفلة

- حاضر حاضر

- حمدي باشا إتفضل يافندم

- إزيك ياهاني عامل إيه

- الحمد لله ياباشا

- في عملية جديدة عايز أخش فيها وقولت أخذ رأيك

- مع مين يا باشا العملية

- مع سعيد الصفدي

- ياباشا البطيخة اللي متفتحتش إتهرت طبطبة

- مش فاهم ياهاني

- يعني الصفقة دي مشمومة والعين عليها كتير وإننت

إسمك وسمعتك متسمحش بده دلوقتي

- متأكد ياهاني

" متحاولش ياهاني تدور عليا أنا عزلت من العماره وغيرت
أرقام تليفوناتى ... قررت أنى أكون زوجة محترمة
قررت أتخلص من القلق وتعب الضمير ... أه كنت سعيدة
معاك ... لكنى مكنتش مرتاحة وأنا خاينة ... هانى أرجوك
متدورش عليا وسبنى أعيش حياة نظيفة نفسى أشوف
نفسى زوجة محترمة ... نفسى أعرف أنام ... نفسى مخفش
أنام مصحاش تانىسلام يا هانى "
هاني بكل عصبية:

- غبية في ستين داهية

يدخل عليه نادر

- في إيه ياهاني

- ولا حاجة

- لأ بجد

- يوووه سيبني يا نادر

- حاضر أنا أسف

هاني بينه وبين نفسه : هو أنا مضايق ليه ؟! .. علشان
هي اللي مشت ؟ .. ولا علشان إتعودت عليها ؟! .. ملعون
أبوها في داهية.

سحر لم تستطع النوم تحاول مرارا وتكرارا أن تنام ولكن بائت
محاولاتها بالفشل تحدث نفسها:

أنا بفكر في الحاجة وعكسها ... أنا مبقنتش طبيعية ...
بتجيلي أفكار مريبة في دماغي بتسيطر على عقلي ... أنا
خلاص زهقت من نفسي لا هي اللي زهقت مني أنا
عايشه ليه أصلا ... أه عايشة ومش فارقة مع حد ...
نفسى أتكلم بس خايفه أنا بقيت بخاف من الخوف نفسه ...

عدي الليل وكأنه عمر على سحر حتي إبتدى الصباح
واستيقظ زوجها

- إيه دا إنتي منمتيش يا سحر

- لأ نمت

- طيب تمام أنا هلبس وأنزل

- أحضرك الفطار

- لا أنا هنزل على طول علشان مستعجل

نزل شريف للعمل وتوجهت سحر لتغير ملابسها بعد أن
قررت الذهاب إلى نفس المعالج النفسي التي ذهبت إليه من
قبل.

دخلت سحر العيادة

- صباح الخير

- صباح النور يافندم

- عايزه أدخل للدكتور بعد إنك

- في ميعاد يافندم

- لا الحقيقة

- طيب تمام يا فندم إسم حضرتك

- تحاول تذكره الإسم المستعار ولكنها لم تتذكر سوى الإسم

الاول.

- أميرة

- أميرة إيه يافندم

- من فضلك أنا تعبانة جدا ولازم أقابل الدكتور

- طيب ثواني يافندم إرتاحي

- وبعد لحظات أنت السكرتيرة إليها مدام أميرة إتفضلتي

- دخلت سحر إلى الدكتور

- صباح الخير يا دكتور

- أهلا أهلا مدام أميرة كنت متأكد إنك هتيجي مره ثانية

- دكتور أنا باخد مهدئات لكن مبقتش بتعمل حاجة

- ما أنا قولت لحضرتك إنتي مش محتاجة أدوية إنتي محتاجة تكوني صريحة وتفضفضي
- هو أنا لما أخبي أبقى بكذب!؟
- الدكتور في إبتسامه أه بتكدي لكن بتكدي على نفسك
- لكن أنا مش عايزة أخبي ومش عارفة أحكي
- مدام أميرة حجم مرضك من حجم أسرارك ... والمهدئات
- مش حل دا هروب من فضلك دوري على حلول بجد
- مش عارفة بجد مش عارفة
- إنتي مش حاسة بالأمان يامدام أميرة!؟
- ممكن!
- طيب إيه السبب ؟
- أنا إتأخرت ولازم أمشي شكرا جدا يادكتور على وقتك
- العفو
- بعد خروج سحر تحدث الطبيب مع نفسه : إنسانه غريبة ومريبة وكل يوم بتعدي خطوة لمرحلة الخطر النفسي.
- خرجت سحر ولكن هذه المرة وهي منهارة وأمسكت بهاتفها
- وإتصلت ..

- موجودة
- موجودة فين أنا مشفكتيش من ساعة قضية رجل الأعمال اللي إنتقتل
- أه فعلا
- ينفع كده
- ملك في إبتسامة خفيفة
- المهم ملحوقة ... تشربي إيه
- لا أبدا شكرا
- ماشي ياستي ماما عاملة إيه وأختك وجوزك وإبنك
- الحمد لله كويسين
- يارب دايمًا
- وإيه أخبار الجثث
- بقت حاجة لا تطاق الناس بقت بتقتل أكثر ما بتعمل أي حاجة ... الشر بقى ماليهم
- لكن ياملك في شر بسيط وشر نسبي وشر قوى
- لكنه في الآخر ياشريف شر
- طول عمرك بتقنعيني ياملك

- ملك بابتسامة خفيفة أنا هستأذن علشان عندي شغل
كثير أوي
- إتفضلني
- ملك عاودت إلى مكانها وسرعان ما سألتها رضوى
- إيه كنتي فين ؟!
- عارفة يارضوى ؟
- خير
- الذكريات دي غريبة أوي
- إزاي؟!
- ذكرياتنا الحاجة الوحيدة اللي مش بنعرف نتحكم فيها ولا
إيه اللي نفتكروا منها وإيه اللي ننساه ... هي اللي بتتحكم
في اللي خلفونا
- هو أنا مش فاهمة حاجة لكن كلامك درر
- جاءت رسالة هاتفية لملك من رقم شريف
- "وحشتيني"
- ملك شعرت بالفرحة والخوف وألغت الرسالة سريعاً
- ملااااااااااااك
- أيوة يارضوى

- شوفتي الحادثة اللي في الجرنال؟!
- حادثة إيه ؟ !
- عامل نظافة قتل ست في شقتها وصاحب البيت
- إزاي ؟ !
- مكتوب إن من خلال لمة للزبالة لاحظ إن الست دي ساكنة لوحدها وباين من توضيب الشقة إنها مرتاحة ماديًا...مكنش يعرف إنها مأجرة الشقة ... المهم راح يلم الزبالة ولكن في ميعاد بدري شوية فتحت تديله الزبالة زقها ودخلها وكان عايز يسرقها ... الست صوتت راح ضربها بطفاية السجاير وقعت لكن قعدت تزحف وهي بتصوت ... سمعها صاحب العمارة نزل يشوف في إيه لقي الباب مقفول حاول يكسره ... ولما كسره لقي الست وقعه وعامل النظافه ماسك سكينه قتل الست قدام صاحب العمارة وقتل صاحب العمارة وهرب لحسن الحظ إن كان في شهود على الجريمة وقدرُوا يجيبوا القاتل في أقل من 24 ساعة
- هيفيد بإيه ... ماهما ماتو

- أنا مش عارفة هو إستفاد إيه ؟ ...!إنتي عارفة مش
بيقولوا عليا شكافة لكن كدا أحسن ... أخط الزبالة من ليل
بره ... مافتحش غير لما أعرف مين ... قافلة بيتي كويس.
- بجد عندك حق

وعندما إنتهى يوم العمل كانت ملك لا تزال في حالة غريبة
سعيدة جدا ولكنها خائفة وتشعر بتأنيب الضمير أما شريف
فحزن لعدم رد ملك عليه ولكنه لم يركز في مسح الرسالة
مثل ملك ليقع هاتفه في يد سحر وعندما رأت سحر الرسالة
إبتسمت وقالت:

- حلو يا شريف كدا أنت كل يوم بتريحلي ضميري أكثر من
اليوم اللي قبله

رضوى وصلت إلى منزلها

- أنا جيت يا أهل البيت

زينب جتلها: أهلا وسهلا يادكتورة

- فين الشعب

- كل واحد في أوضته

- طيب تمام حضري الأكل علشان أنا واقعة من الجوع
على بال لما أغير
دخلت رضوى غرفتها وجدت زوجها يتحدث بالهاتف
بصوت منخفض.

- رضوى : يارومانسي
زوجها بصدمة يغلق الهاتف
- حبيبتي نورتي بيتك
- حبيبي ياخالد بنورك ياقلبي ... بس إيه بقي وصلة
همسات وكلمات اللي كنت عاملها دي
- دي دي دا كان واحد صاحبي
- ليه هو جوزي شاذ وأنا مش واخدة بالي؟!
- إحترمي نفسك يارضوى
- مش لما تحترمني علشان أعرف أحترمها ... طلقني

ياخالد

- إيه إيه إنتي أكيد اتجننتي ... بنتك على وش جواز
يادكتورة

- ايوه كويس إنك عارف إنني دكتورة ... لا ومش أي
دكتورة ... دا أنا دكتورة تشريح يعني ممكن أعمل الجريمة

الكاملة فيك وأطلع كدا سلوطني ملوطني براءه يابشمهندس
الغبرة

- والله إنتي اتجننتي وإنتي فاكرة الطلاق سهل كدا ... أنا
ممکن أطلقك لكن خايف عليك من البهذلة
- يالهوي على الحنية ... لا ياهندسة خاف على نفسك أنا
كبيري معاك بعد الطلاق يومين بالظبط أول يوم أشكر ربنا
طول اليوم وتاني يوم أوزع شربات على روح الطلاق
- تصدقي أنك تسدي النفس ... نفسي تعقلي
رضوى بدموع محبوسة:

- وأنا نفسي أزيحك من على نفسي علشان أقدر أتنفس
- إنتي وسواسة يارضوى ... وأنا إبتديت أزهدق والله والله
والله ما بخونك

- ليه نسيت أول جوازنا
- يا بنتي دي كانت نزوة مش هتاسب عليها العمر كله
- وأنا إيه اللي يضمنلي منا دخلت عليك وأنت بتتنحج
- هي دي مشكلتك يعني لو ثبتك أنك غلطانة هترحمي
أمي من الجنان دا
- لما تثبت الأول يا هندسة

- مش دا آخر رقم إتصلت بيه ؟!
- أه
- أتصل خالد وهو فاتح الاسبيكر رد عليه صديقه ... أيوه
بقى ياكبير كنا بنقول إيه
- كنا بنتكلم على مشروع 670 ب هناخد إجراء إزاي
- طيب بص يا كبير أنا جالي تليفون دولي هخلص
وأكلمك
- أغلق خالد الهاتف وهو ينظر شظرا إلى زوجته...
- ليكي شوق في حاجة تاني
- وأنا إش ضمنى مش يمكن متفقين
- هتفق إمتى يا بنت المجنونة ... بقولك إيه إرحمى ميتين
- أهلي دي عيشة تزهق ... وأخرجي بره يالا
- لا إنت مش طبيعى
- أيوة انا مش طبيعى بره
- *****
- ملك في بيتها تنتظر زوجها وبالفعل أتى هاني
- مساء الخير ياملك

- مساء النور
- عاملة إيه
- الحمد لله وانت
- عادي محكمه شغل ... رامي فين أمال
- بيلعب في أوضته
- طيب تمام هدخل أنام لإنني جاي من بره هلكان هريح ساعتين وأنزل ثاني
- تمام
- ملك حزينه فكانت تتمني لنفسها سعادة أفضل وبيت ملئ بالحب والدفى ... لكنها سرعان ما إكتشفت أن نص عمرها ضاع مع شخص غلط...

في صباح اليوم التالي

كالعادة والروتين المميت تذهب ملك الي العمل لتقابل نفس الوجوه والوشوش التي أوشت على الملل منها .. رضوى تتحدث اليها:

- مالك يا ملك
- زهقانة

- ليه ؟!

- قوليلي إيه اللي ممكن ميزهقنيش

- ملك أنا اكتشفت إننا أحسن من غيرنا ولازم نرضى

ونعيش

سواء : ليه لازم نرضى هو إحنا كدا هنعيش؟ !هو أحنا

أصلا كدا عايشين وإحنا بنضيع من حياتنا أجمل سنينها

....لالالا ... مش مصدقة

رضوى : هههه لا مش مصدقها ولا مصدقة الهوليلة اللي

هي داخله بيها يابنتي تلاقي الست ملك المتر معكن عليها

وأخداها الجلالة شوية وشوية وهتتسي ويبقى الحال كما هو

عليه

ملك: صدقوني أنا زهقت الرب أكيد مش هيكون راضي عننا

وإحنا بنهدم حياتنا بنموت نفسنا بالحيا

رضوى: إهدي ياملك وطلعي غلبك في أي جثة من اللي

عندنا

- حاضر ههدى

ذهبت ملك لمكتب شريف فلم تجده وسألت العسكري

- هو شريف بيه فين

- مجاش النهاردة

- ليه في حاجة

- العلم عند الله يادكتورة

- شكرا

وعادت ملك إلى مكتبها تحدثت نفسها : أول مرة شريف

يعملها هو في إيه؟!!

أنهت ملك العمل وذهبت الي محامي صديق عائلتها

- مساء الخير

- مساء النور يافندم

- أستاذ جرجس موجود

- أيوة يافندم نقوله مين

- ملك... ملك عبد النور

- حاضر يافندم إتفضلي إرتاحي حضرتك وهأبلغه

دخلت ملك للمحامي

- أهلا أهلا ياملك فينك يابنتي من زمان

- موجودة يا أستاذنا

- مالك ياملك شكلك ميظمنش

- أنا عايزة أطلق من هاني

- إيه تطلقي ؟!

- أيوه

- ليه

- الحياة بقت شبه مستحيلة مش قادرة أعيش حاسة إني
بموت كل يوم ومش لازم أعيش مقهوره طول حياتي
- محدش قال كده يابنتي ... لكن كدا قدامك إنك تغيري
دينك

- لا يا أستاذ جرجس أنا مش هضحك على ربنا وأغير
ديني علشان أطلق وأنا مقتنعة بديني ... شوفلي حل
تاني..أغير المذهب.. لأن أنت عارف إن المذاهب دي من
صنع البشر مش من صنع الرب

- حاضر ياملك إديني لحد بكره وهقولك نعمل إيه
- أستاذ جرجس من فضلك متبلغش أمني ولا تحاول تتكلم
مع هاني لأنني بجد إتبهدلت مع الشخص ده من خيانة وقلة
قيمة وأدب

- حاضر ياملك بس خلي في حسابك إن هاني محامي
ومحامي مش سهل
- عارفة لكني تعبت أوي

- الرب يعمل اللي فيه الخير يابنتي

ذهبت ملك ولأول مره في عمرها تختار مصيرها ... لو مرة
تشعر أنها لازالت تستطيع إتخاذ القرار ... وصلت ملك
البيت وكأن لم يحدث شئ ... هادئة ... ثابتة ... فكرت في
إبنها رامي ولكنها وجدت إنه يربي في جو غير صحي وأن
هذا القرار أفضل له و في مصلحته أيضا.

مر يوم بعد الآخر في هدوء تام روتين طبيعي شريف لازال
في أجازة ... رضوى تشك في زوجها ولكنها تصدم بظلمها
ليه .. إلا حياة ملك وسناء .. سناء خلعت زوجها وقررت
تستشق طعم الحرية لأول مرة في حياتها ... وقررت لا
خوف بعد اليوم لا من مجتمع ولا من ناس ولا من أي شئ
أما ملك فإتصل بها المتر جرجس.

- أيوه يا أستاذ جرجس

- ملك إحنا ممكن نغير المذهب لكن خليكى فاكدة إني

قولتلك هاني مش سهل وحاوي مش محامي

- يعمل اللي يعمله ... الرب أكيد هيحفظني

- ماشي ياملك أنا هبتدي في اجراءتي لكن الإجراءات
بتطول

- ليه يامتر ... ما كل يوم عشرات الستات بتتخلع
- لإنك مسيحية يا ملك ... والقاضي أكيد هيتأني في
إتخاذ أي قرار ... غير إن الكينسه كمان هتاخذ وقتها
- أوك يا متر نعمل اللي علينا
أغلقت ملك الهاتف وهي تدعو أن يقف الرب بجانبها
واستأذنت من عملها أن تذهب بدري وذهبت إلى مدرسة
رامي أخذته وتوجهت إلى والدتها تركت رامي
- ماما أنا هروح ألم هدومي وهدوم رامي ونيجي نقعد
عندك

تريزه بفزع : يابنتي في إيه

- لما أرجع ياماما هقولك

- ذهبت ملك ووضعت ملابسها وملابس رامي وعادت
إلى بيت أمها

تريزه : مش ناويه تقوليلي في إيه ياملك

- هتطلق ياماما

- يا مصيبتى ... إزاي هو إحنا عندنا طلاق ... أوعي ياملك تكوني غيرتي دينك
- دين إيه ياماما اللي هغيره هو إحنا هنضحك على ربنا
- آمال عملتي إيه ؟!
- غيرت المذهب
- مش فاهمة
- يعني أنا لسة على ديني لكن مذهب تاني المذاهب من صنع البشر ياماما
- ودا ينفع
- أه ياماما
- لكن إيه اللي حصل ما إنتي كنت مرتاحة وعمرى ما اشتكيت
- مش معنى ياماما إني عمري ما إشتكيت إني مرتاحة!
- مكنتش ياملك أحب الأمور توصل لكدا! طيب نحاول نصلح يا حبيبتي ... نكلم معاه يا قلبي يمكن الرب يصلح الحال
- ماما صدقيني مبقاش ينفع
- مش عارفة أقولك إيه

- أدعيلي يا ماما
- وهو عرف إنتي عاملتي إيه
- هو مسافر وعلى بال لما يرجع هيكون جاله جواب المحكمة
- رينا يستر يابنتي أنا خايفة عليكي
- متخافيش
- ومرت العطلة الاسبوعية وذهبت ملك إلى العمل ولكن شريف لم يأتي
- رضوى : ملك مش ملاحظة إن سناء منورة
- ههههه أه ليه
- أصلها خلعت
- لا والله
- سناء : هم وانتراح حساني مختلفة
- ملك : بجد ... إزاي
- بتنفس بجد بتنفس بدون مبالغة
- ياااه
- وأكثر

رضوى : ربنا يسعدك عارفة يا ملك أنا أول مرة أشوف سناء
بني أدمة بتضحك زينا كدا عادي كانت دايمًا شائلة الهم.
ملك بينها وبين نفسها: عقبالي لما أرتاح

هاني يتصل بملك في الهاتف .. ملك ترد عليه بكل هدوء
- ألو

- أيوه ياست هانم يا محترمة

- إيه إسلوبك ده

- أه ياهانم عندك حق المفروض وإحنا قاعدين في بيت
واحد وإنت ترفعي عليا أنا جوزك أبو إبنك قضية خلع يكون
ردي إزاي ... عارفه إنتي إنسانه ساذجة ... إنتي ناسية
إني محامي وأنا بحكم شغلي بقولك هتتطلقى لما تشوفي
حلمة ودنك

- تقوم تعيشني معاك غصبين عني صح!

- هو في حد عايش العيشة اللي إنتي عايشها ... ناقصك

إيه أحسن بيت ... فلوس تحت أمرك ... إبن ... عيلة ليهم
وضعهم الإجتماعي ... نقصك إيه يا هانم

- نقصني الأمان ... والإحترام اللي أهم من اللي إنت قولته
- آخر كلمة هقولها لك ياملك ... إعقلي وبلاش تهور...
- أغلق هاني الخط دون أن ينتظر من ملك رد
- رضوى : في حاجة يا ملك
- لا أبدا مافيش
- ذهبت ملك لمكتب شريف وسألت العسكري
- هو شريف بيه لسه مجاش
- موجود يا فندم لسة جاي لحظة واحدة هبلغه
- الدكتور ملك برة يا شريف بيه
- خليها تتفضل
- أهلا أهلا أهلا يا ملك
- إنت كنت فين يا شريف
- معلش كنت تعبان شوية
- ملك بخضه : تعبان مالك!؟
- لا متخضيش شويه برد بس
- سلامتلك ألف سلامة
- مالك يا ملك

ملك بتوتر: لا أبدا ولا حاجة أنا بس كنت بظمن عليك.

- تسلملي يارب

- الله يسلمك عن أذنك

- ملك

- أيوة

- بجد فرحان بسؤالك عليا

- عن إذنك

ملك لم تصدق شريف انه مجرد تعب برد فشكله متعب للغاية وعدي اليوم ولكنه لم يعدي بالساهل على ملك فكانت قلقانة على شريف وقلقانة من هاني فإنها لا تعرف ماذا يخبي لها القدر.. ملك تذهب إلى عملها في الصباح ورضوى تأتي بعدها بساعة.

- شوفتي ياملك اللي حصل

- إيه في إيه

- شريف سعد الدين

- ماله

- مات

- ملك وجهها يتغير إيه مات مات إزاي بطلي هزارك ده

- وأنا ههزر في حاجة زي دي ليه؟! في حد بيهزر في الموت ياملك

ملك بدموع منغمرة : مات إزاي وإمتى ؟!

- سكتة قلبية جتله إمبراح بالليل لأنه كان مريض قلب من فتره وكان مخبي علشان شغله وكدا.

ذهبت ملك مثل المجنونة إلى بيت شريف فوجدت العزاء مقام فحاولت أن تتماسك وتقضي واجب العزاء بهدوء ولكن دموعها لم تستمع لها فكانت تنهمر... عادت ملك إلى بيت والدتها وهي في حالة سيئة حاولت أن تتماسك إلى أن دخلت غرفتها وإنهمرت دموعها .

" الله يرحمك يا شريف ليه كدا ... ليه ظهرت ؟! .. علشان تكسرني بموتك ... شريف ليه سبتني في أكثر وقت محتجالك فيه ... أستغفر الله ... يارب سامحني "

كانت ملك تواظب على الذهاب الي قبر شريف وتحكي له
أخبارها اليومية ولكنها لا تجد أحد يزوره ولا يعتني بقبره
ولأحد يضع الزهور على قبره ... نادى ملك على الحارس

- ياعم ... ياعم

- أيوه يا ست هانم

أخرجت ملك نقود تعطيتها للحارس

- أرجوك عايزاك تهتم بالقبر دا ... هو ما حدش بيزوره؟!!

- لا ياهانم حضرتك بس

- ولا حتى مراته؟!!

- ولا أي حد

- طيب ياريت تهتم بالقبر

- ماشي يا هانم

بعد مرور عام وتسعة أشهر

ذهبت ملك إلى المقابر تزور قبر شريف كعادتها التي لم تخالفها ولا أسبوع واحد طوال الفترة السابقة منذ وفاة شريف وتتحدث إليه بكل ما في قلبها كما اعتادت طوال الفترة .. تحدثت أنه أخيرا خلعت زوجها بعد تعليقها طول هذه المدة... لكن في داهية المهم إني عملت اللي يريحني.

شريف إنت بجد قطعت بيا أوى ... أنا مضطره أسيبك دلوقتي لإنني سايبه رامي مع ماما... أه بالحق ماما طول الفترة اللي فاتت أخدا منى موقف هههه تخيل علشان إطلاقت طيب بدمتك دا كلام يلا بقي هسيبك دلوقتي لحد لما أجيبك علشان أقولك الجديد ... سلام مؤقت يا شريف.

ملك خرجت من المقابر وسحر أرملة شريف داخله تنتظر إلى ملك كأنها تحاول أن تتذكرها أين رأتها من قبل!

دخلت سحر المقابر وجلست تنتظر إلى قبر شريف وتقول
له:

- إيه يا شريف مرتاح ... أكيد مرتاح ... وأنا كمان
مرتاحة جداً ومرتاحة إنني رايحتك مش أنا هتجوز
ياشريف ... أه هتجوز هتجوز راجل طول الوقت
كان معوضني عن جوازتي منك كان محتويني حبي
بجد ... تصدق وكان بيحترمني ... إيه سمعاك
بتقول عليا خاينة ... طيب ما إنت كمان كنت خاين
المهم دا مش موضوعنا ... أنا بس كنت جاية أقولك
إن دي آخر مره هزورك فيها وعايضة أقولك كمان أني
صدقتك وأمنت بكلامك بخصوص الجريمة الكاملة
عارف ليه؟! علشان نفذتها فيك عارف إزاي ... لما
إنت عيبت وجالك القلب وبقيت بتاخذ دوا فيه نترات
كانت فرصتي وحطيت ليك فياجرا في العصير اللي
متعود تاخده بعد الدوا ولإن النترات بتوسع الشرايين
والفياجرا كمان فمت ... طبعا زمانك بتقول دي مش
دماغي وإني طول عمري قفلاها ... فعلا دي مش
دماغي دي دماغ مروان الراجل اللي هتجوزه ماهو

دكتور صيدلي ... عارف اللحظة دي كنت بتناها
من زمان وجت وكان القدر أخيرا بيقولي إفرحي .. أه
من الحق أحنا خالصين أنا موتك زي ما أنت ما
موتتي وحرمتتي من الأمومه ... متستغريش إني
عرفت ... العلم إتقدم يا حضرت الطابط.

فعلا يا شريف في حاجة إسمها الجريمة الكاملة ومش لازم
يكون في دافع ظاهر للناس.
وعندك حق القانون أعمى ..
سلام يا شريف

الخلاصة

*قال سبحانه و تعالى :

يَا أَيُّهَا الَّذِينَ آمَنُوا إِنَّ مِنْ أَزْوَاجِكُمْ وَأَوْلَادِكُمْ عَدُوًّا لَكُمْ فَاحْذَرُوهُمْ
وَإِنْ تَغْفُوا وَتَصْفَحُوا وَتَغْفِرُوا فَإِنَّ اللَّهَ غَفُورٌ رَحِيمٌ * إِنَّمَا
أَمْوَالُكُمْ وَأَوْلَادُكُمْ فِتْنَةٌ وَاللَّهُ عِنْدَهُ أَجْرٌ عَظِيمٌ (التغابن: 15)

*مش الرجالة اللي وحشين لكن المجتمع الصغير اللي في
الرواية فرض علينا دا ... ومش كل الستات مقهورين حتى
ملك ورضوى كان ليهم أخطائهم لإنهم محاولوش يصلحوا
بيتهم إستسلموا

*الحب هو أسرع روشة للسعادة

*حين تسخط من الحياة فأعلم إنك تموت فعليا

*علشان الآخر يقدر يساعدك لازم تتكلم وتعرف تقول كل اللي
جواك

*في حاجات مينفعش متقلش حتي لو اللي قدامك مسألش
عنها

*حجم مرضك من حجم أسرارك

*الزوج ممكن يعمل كل اللي في وسعه وزوجته برضه
متحسس بالأمان (دا من وجهة نظره والعكس صحيح على
الزوجة)

*أن تسامح عدوك أسهل بكثير من إنك تسامح حبيبك

*خلي سلاحك في عقلك واحترس من صديقك قبل عدوك

*مش مهم بتقول إيه المهم بتقولها إزاي

*خلي عواقب إختياراتك ليك إنت ومتحملش حد ذنب إختياراتك

*الغلط مبيتجراش

*لو القلوب نصف الميزان هيتعدل

*المرض النفسي هو فعل اللامنطقي على إنه قمة المنطق
والاقتناع الكامل بمنطقيته
*الحياة بتتغير بناء على نظرتك اليومية ليها
*الخدعة دائما بتكون فيها جزء كبير من الحقيقة
*خليك دائما راجل في عنيا علشان تفضل تحبك ومتكرهكش
*كلنا بيمر علينا نفس الوقت ... ولكن بمشاعر مختلفة عن
بعض ... اللي بيبقي في نفس اللحظة ... فرحان ... حزين ...
بيفكر ... عادي ... بيحب ... بيكره ... بيصلي ... بيسرق ...
كلنا عندنا نفس الوقت بس الإحساس مختلف لكن الأكيد هو...
كلنا مش عارفين إيه نتيجة اللحظة اللي بنمر بيها
*الإنهيار العصبي لدى الإنسان يحدث نتيجة رفضه الداخلي
لحدث مفاجئ يطرأ على حياته ... ومع الصراع العقلي الظاهر
والباطن ... بين المصرح والمعارض ينهار الإنسان عصبيا ...
لذلك يجب على الإنسان توقع الغير متوقع ... كي يأهل عقله
الباطن لأي حدث مفاجئ يطرأ على حياته
*هو المريض النفسي مرض لوحده؟ !ولا كان واحد أو أكثر
من البشرية اللي حواليه كانوا السبب ... المريض النفسي
مريض بفعل فاعل
*الوراثة والبيئة المحيطة من أكثر العوامل المسيطرة في
طبيعة أي إنسان ... فتأمل تلك العوامل جيدا عند التعامل مع
أي إنسان ... كي لا تصدم فيما بعد ... وتشعر بخيبة الأمل
*كل واحد فينا بيمر بلحظات ضعف يكون محتاج حد جنبه
يطمنه
*لما عقلك مايقدرش يسيطر على انفعلاتك... أعرف أنك في
خطر
*كلمة إنسان جاية من الانسانية ... طيب لو الانسانية ماتت؟ !
يبقى الإنسان نفسه مش عايش ... شبح مخيف ... ضرره أكثر
من نفعه
*مهما حسيت إن الخسارة كبيرة دلوقتي ... بكرة تكتشف إنها
ماكنتش خسارة أصلا بالعكس دي كانت أكبر خدمه عملها ربنا
ليك

*الغلطة الكبيرة زي الغلطة الصغيرة ... لأن الغلطة الكبيرة دائما بتبدأ بغلطة صغيرة ... الغلط مبيجزاش
*خلو أساس العلاقة الزوجية حب وتفاهم ... خلو السعادة هدف ... أنتم داخلين حياة مش خناقة

*عارف إحساسك بالسعادة اللي ملوش سبب ! أوعى تدور كثير على سبب سعادتك المفاجئ ... وتضيع منك اللحظة الحلوة ... إحساسك الحلو بالسعادة رسالة رحمة من ربنا ليك ... إفرح علشان الفرحة مش لازم يكون ليها سبب

*الإنسان لا يلد إلا إنسانا ... ولكن الطبيعة المحيطة به إذا كانت مليئة بالضغوط والأمراض النفسية ... تصنع بداخله كائن آخر مخالف لطبيعته ... فترى هذا الكائن بوجهين ... ظاهريا كائن بشري ... وداخليا كائن آخر... مخالف نسبيا لطبيعته البشرية ... إذا فسرت هذه الظاهرة يمكن لك أن تستنتج إن الإنسان ضحية للطبيعة السيئة التي صنعها إنسان مثله ... فالإنسان أساس ظلم نفسه التي تتجرد في أغلب الأوقات من السلام الداخلي ... فترى الإنسان بيده أن يظل إنسانا كما خلقه الله... أو يصبح كائن غريب ويحول الطبيعة التي بداخله الي غابة ومجموعه من الصراعات الداخلية التي لا تنتهي ... وتؤثر في الطبيعة الخارجية بشكل مباشر أو غير مباشر

*فكر كدا مع نفسك لحظة ...إيه آخرتها ... هتلاقي آخرتها ... لازم الستارة تنزل والعرض ينتهي ... لكن المهم بجد إن العرض يكون حلو مش بايخ ... من الآخر ليه قيمة بعيد عن الهري ... بعيد عن الحقد... بعيد عن الأذى ... عرض خالي من الإسفاف ... علشان لما تنزل الستارة ...الناس تقول برافو ...مش الحمد لله إنه خلص وإنتهى ... أكتب النص صح ... و أرسم دورك صح ... لأن دورك في مسرحيتك أطول و أكبر دور موجود

*يوجد حقيقه إسمها الجريمة الكاملة
*أوعى تعمل حاجه تندم عليها ربنا خلق العقل وخلق الندم وعليك الاختيار

*لو كنت فاكراً وأنت ساكت اللى معاك هيحس بيبك تبقى مغفل
الاحساس نعمه يفتقدوها الكثيرين
*فى ناس بتبذل مجهود غير عادى علشان تدمر نفسها ... مع
أنها لو بذلت ربع المجهود دا فى الاستمتاع بحياتها هتعيش
سعيده

*أصبحنا نبكى لاتفه الأسباب لأننا تظاهرنّا كثيراً بالقوه
*بيجي عليك لحظه بتكتشف فيها أنك كنت بتبص بعين واحد
*سعادتك بتبدأ من صحتك النفسية
*من كتر ان الصبح والغلط بقوا مخلوطين مبقاش يعرف يفرق
ما بينهم غير اللى لسه فاكراً شكل الصبح
*لولا اللى مكملش مكنش جه اللى كمل
*كثير بنحط فروق وهميه ما بينا
*أحياناً المواقف مؤلمه لدرجة الضحك
*ايه اللى هيحصل لو خرجت ناس من دائرة حياتك فى سبيل
إنك تريح دماغك

ايه اللى هيحصل لو سديت ودانك للقليل والقال .. واللى يتكلم
يتكلم

ايه اللى هيحصل لو أتبتعت مبدأ خراب يا هايفين ياسالبين
وعمار يا دماغى

ايه اللى هيحصل لو ابتسمت قصاصد أى فعل أو كلام من ناس
حقيره .. وفهمت أن لو طلع العيب من أهل العيب ما يبقاش
عيب ...

ايه اللى هيحصل لو مخلتش أى حاجه من أى حد ملوش
لازمه تلهيك عن الحاجات الحلوه اللى فى حياتك
ايه اللى هيحصل لو فهمت أن الزعل وحرقت دم بتأثر علي
صحتك اللى لو ضاعت عمرها ما هترجع وأنها الحاجه
الوحيد اللى بتخليك عارف تبدأ من جديد

أفرح ... أضحك .. علشان الحياه أولها وآخرها عند اللى خالقه
*أنت فى حياة غيرك عباره عن رصيد ... رصيد من الحب
والطيبه والكلمه الحلوه والمعامله الكويسه رصيد من رد

الغيبه رصيد من الوش الواحد ... أول ما غيرك يتغير فجاءه عليك أعرف لقد نفذ رصيدك...

زود رصيدك ديما عند غيرك

متخليش رصيدك يوشك على النفاذ

*طاقه الإنسان ملهاش نهاية وبيكتشف دا بمرور المواقف الصعبه مش بمرور الزمن....

*النهايات غالبا غير متوقعه عكس البدايات تماما....

*القلب اللي إتكسر مره بعد كدا بيعور أي شخص ومبيفرقش بيعور مين ... فرفقا بالقلوب السليمه...

*كل لما بتتقدم في العمر نظرتك لكل حاجه حواليك بتتغير.. بتكتشف:

أن ما فيش داعي لأي يوم عدى عليك وأنت مش عارف تنام من التفكير....

أن دموعك غاليه أوي وماينفعش تنزل علشان أي حد ولا أي حاجه....

أن في أمور صغيره أوي أنت كنت مكبرها أوي ومديها أكبر من حجمها...

أن محدش بيموت من الحب ومافيش حاجه اسمها الحب الحقيقي هو أول حب بالعكس الحب الحقيقي هو آخر حب لأن مافيش حب بعده...

أن الدين من الأفضل يكون لحسابك مش لحساب المنظره...

أن حب الروح أهم من حب الجسد...

أن عمر ما كان الحل في الإكتئاب والعزله ... بالعكس الحل في الابتسامه والتفكير بهدوء...

أن كل ما دايرة حياتك قلة قلة معها مشاكلك...

أن الخصوصية في حياتك شئ مهم ... وأن مينفعش حياتك تبقى مشاع لكل من هب ودب وأصحاب النفوس الخبيثه...

أن مافيش شخص عارف كل حاجه في الدنيا أو بياخد كل حاجه عاوزها ...

أن الحياه فيها حاجات كتير أهم من الفلوس والسهر والماركات والفيس بوك...

أن في مشاكل وأحداث أتفه من أنك توجع دماغك بيها
والأحسن أنها تمر مرور الكرام
أن خروج ناس من حياتك نعمه مش نقمه ولا وجع قلب زي
ما كنت فاكراً...
أن الرزق مش فلوس بس ... دا الضحكة رزق والرضا رزق
والحب
رزق والجواز رزق والولاد رزق والبركة رزق...
أن الوقت اللي بيعدي عمره ما بيرجع تاني....
أن في حاجات جميلة في حياتك تستحق منك عناية ورعاية
ولازم تحس وتستمتع بيها...
أن عمرك بالوقت السعيد اللي مر عليك مش اللي في شهادة
ميلادك...
أنك وانت بتصارع للوصول لهدفك دوست علي حاجات حلوه
كثير عندك وأنت ماشي مش واخد بالك غير من صراعاتك
للاوصول لهدف ممكن ميكنش مهم زي ما أنت فاكراً...
أنك متنفّش تدي ثقه 100x100 لحد...
أنك مبقتش بتضايق من عبثية المجتمع لأنه في الحقيقه
يستحق الشفقه...
أنك ندمت علشان مسمعتش كلام اللي أكبر منك لما نصحك
...وقولت هما جيل وأحنا جيل واكتشفت بعد سنين كثير أنه
صح وكنت هتوفر وقت كبير أوي لو كنت شغلت مخك
وسمعت كلام الأكبر منك....
أنك مهما كبرت عمرك ما هتكون عارف كل حاجه في الدنيا...
أنك كبرت وعامل الزمن بان علي وشك وكل خط في ملامحك
هو وقت وخبره ومواقف مرت عليك وسابت علامه جواك
وعلي ملامحك علشان تفتكرها...
أنك لازم تلحق اللي باقي من عمرك لكن تلحقه بطريقه صح
علشان ميضعش زي اللي عدى .

[البداية]

obeyikan.com

obeyikan.com